


文苑英華

自四百一至
四百十二



庫	文	閣	內
函	三	七	漢
九	一	〇	書
架	〇	〇	類
	冊	號	

制詩

郡牧 環集

幕府 東宮官

王府

京府

諸使

庫	文	閣	內
函	三	七	漢
一	〇	〇	書
架	〇	〇	類
	冊	號	

內閣文庫			
番號	漢	3726	
冊數	100	(41)	
函號	361	53	



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak



文苑英華卷第四百一

中書制誥二十二

環衛一

淺草文庫

諸衛上將軍

授張奉國上將軍皇城晉守制 元稹

勅環太微諸星有上將次將之例所以拱衛宸極誰何不

若予置上將軍以禦侮率是道也前皇城晉守張奉國


謙能養勇明以資忠畢飛翕翼於未擊之前痛心疾首於

見危之際常能擒狡猾克定妖氛行賞計功屢昇榮級

朕愛其忠厚難以外遷稍移婁胃之間不失爪牙之任為

吾守禁勉爾干城可檢校兵部尚書兼左衛上將依前充

皇城使



授李演左衛上將軍制

白居易

勅王者法鈞陳設環列非勲勤之將信近之臣則何以又
張爪牙轉置肘腋者也具官李演常從德宗皇帝南蒐于
桑籍名功臣謂之定難洎出分戎律入拱宸居內外周旋
不憚于位交戟之下周廬肅然今之轉遷示益親信移領
左廣仍叅夏卿夫八屯之警巡七萃之勤墮集作惰爾為其
正盡得察之宜借前勞無隙乃勲集作勳可依前件

授韓公武右驍衛上將軍制

前人

勅朝散大夫檢校左散騎常侍兼右金吾衛將軍御史大
夫上柱國賜紫金魚袋韓公武我元老之令子也孝於家
忠於國故出則秉旄鉞入為執金吾寵任益崇謙敬彌著
而勤於夙夜疾癘所侵上陳表章乞就頤養夫環列之衛
集作衛心膂之臣雖親信之寄則同而勞逸之間或異宜
輟繁重俾從便安可檢校左散騎常侍兼右驍衛將軍御
史大夫散官勲如故

授左衛上將軍滿存特進檢校司徒仍復長城郡

開國公食邑三千戶制

錢珣

勅昔孟明視荀林父之為將也獲罪於二君或敗以見囚
或歸而請死彼秦穆晉景之為君卒能宥而復用朕雖涼
德寧昧於諸侯之霸者哉具君滿存頃列將壇頗懷臣節
且聞禁暴斯有功能一作斯甚有經未嘗敢驕一作驕欲保勲績而
爾之前事人亦公言幸無爭歃之盟但逼自焚之勢洎乎

運坐得以惟輕懼罪而不懈於心補過而願陳其力是用
徵爲環尹兼復疏封載加論道之名俾重棄瑕之典庶乎
有位知我念功可

授寧遠軍節度使蓋寓左武衛上將軍制 前人
勅環衛之設貴同命卿有以大將軍之名加其秩者賞典
彌重具官蓋寓凡天下統帥將佐勤勞每至賞勳鮮當缺
鉞吾以克用事君有偉節匡國有大功而寓預謀必忠推
誠必順致我藩后光于冊書是以特越舊章授之師律頗
能譟讓復願改張得不表以寵休陟居戎列仍遂再三之
請俾曷始卒之心直舉訓辭是爲嘉善可

授右威衛上將軍契苾璋威衛上將軍制

薛廷珪

勅具官契苾璋尚齒酬勞固聞於茂典念功求舊式勸於
後生朕嘗因坐朝周視百辟有戎冠簪珪華髮承弁鷹揚
鸞立於埤廡之上者一旦便殿詢于宰臣且曰衛將軍璋
也夙號良將實著軍功嘗擁節旄兼聞善政自處之環衛
委以腹心闢彼汗萊盡作文王之囿化其士卒皆爲君子
之營而耆艾服勤班資不稱積薪之歎達我聽聞俾昇上
將之尊不假三師之貴吾於爾輩無吝優恩勉服軒裳共
致寧謐可

左右衛大將軍

授嗣鄭王希言右衛大將軍制 蘇頌

門下銀青光祿大夫僕卿負外置同正員上柱國嗣鄭王
希言才推近屬行稟中和用沈厚以爲謀體直方而成器
頻升列棘之位嘗踐執金之秩歷官斯久更事逾深必在
親賢用膺心膺宜領右軍之寄仍直大將之任可雲麾將
軍守右衛大將軍勳封如故

金吾衛大將軍

授烏溥利左金吾衛大將軍制 李嶠

鸞臺冠軍大將軍行右豹韜衛將軍員外置檢校源頭州
督良鄉縣開國男烏溥利族茂蕃庭位叅朝佐懷恩慕化
守義全忠宜錫殊榮以旌美烈可左金吾衛大將軍主署
施行

授河內高平王等大將軍制 前人

鸞臺昔程李二將分領東西之宅周邵兩藩並行南北之
化兼此重務允歸賢戚右金吾衛大將軍兼檢校洛州長
史上柱國河內郡王懿宗司屬卿兼檢校并州長史上柱
國高平王重規並麟趾英髦犬牙良翰承朱紱之寵命奉
旅一作銅弓之征伐勲藏天府名入史圖或誰何傲巡忘
晝夜之倦或敦叙宴翼協親踈之理題輿河輔而桴鼓希
聞別乘汾陽一作而徃牢不葺勤誠著於文武美績宣於
內外爪牙任切都輦寄深求賢審官不踰伯叔之國叶心
共理佇觀兄弟之政懿宗可左金吾衛大將軍依舊檢校
洛州長史重規可右金吾衛大將軍依舊檢校并州長史

勳封并如故主者施行

授李延昌左金吾衛大將軍制 蘇頌

黃門兵戈之容是憑於師律輿馬之飾允屬於徽巡自匪
周才孰當茲任衛尉卿兼檢校左金吾衛大將軍上柱國
李延昌倜儻爲用堅剛立誠學優典墳言綜韜略賈勇
義則輕於九死好謀盡忠則隱如一敵自膺刺姦之寵
叶彈違之務正名不拜何以光於執金教戰或忘何以
其投石宜踐迹於中尉俾疇能於亞夫可右雲麾將軍守
左金吾衛大將軍勳封如故仍充朔方後軍大惣管

授王斛斯兼左金吾衛大將軍制 孫逖

門下左羽林大將軍兼范陽大都督府長史充范陽節度

經略度支營田副大使王斛斯推誠勵節好勇能謀政必
有經舉無遺策久鎮幽朔勤修訓練旣摧克以制勝亦懋
賞以疇庸而環衛之職金吾尤重宜承後一作優命以寵中

權可守左金吾衛大將軍兼范陽大都督府長史餘如故

驍衛大將軍

授郭虔瓘右驍大將軍等制 蘇頌

黃門有功必賞勸所以教人立志爲邦作程者也雲麾將
軍檢校右驍衛將軍兼北庭都護瀚海軍經略使全山道
副大惣管招慰營田等使上柱國太原縣開國公郭虔瓘
宣威將軍守右驍衛羽翊府中郎將檢校伊川刺史兼伊
吾軍使借紫金魚袋上柱國介休縣開國公郭知運等負

將帥之才展熊羆之効義烈忠壯以詢其謀一作以詢其誠智謀
勇敢不憊其策頃者邊一作庭之際孤城獨守戎羯困乏
歲時圖逼矢石交下金湯自堅護其漢之所歷懷范羌而
莫至獨能宣我王命殫其士力不顧左殷仍於右斷厥功
至矣朕甚嘉之宜登絕席之任方盛題坐之禮虔確可冠
軍大將軍右驍衛大將軍知運可雲磨將軍右驍衛將軍
餘各如故仍各賜衣一副并金帶主者施行

授張直方左驍衛大將軍制 杜牧

勅朕據南面之尊制一代之命先謹集作講百官之法後行

集作四方茲豈若有罪不問是倒持大阿有頑不磨是廢
去砥石則堪田突下何以爲理雲麾將軍起復檢校刑部

尚書兼右羽林軍統軍御史大夫張直方席其先人任爲
邊將披誠向闕執玉來朝近臣勞郊大匠理第典兵於禁
門之內立侍於交戟之中校其寵榮無與等比而乃每輕
法檢恣爲遨盪擅去宿衛潛遊異縣有司問狀持舌不言
以至再三姑引憊闕古人有云語人必於其倫觀過各於
其黨念其生自戎族素不鑄琢旣觸法網亦可矜容加膝
墜泉予常自慎小懲大誡爾宜知恩不失將軍之榮仍存
兼官之重足得前洗以俟甄昇可銀青光祿大夫檢校刑
部尚書兼左驍衛大將軍御史大夫

授前左千牛衛大將軍李鎔右驍衛大將軍右千

牛將軍江斷美加兼檢校右散騎常侍制

錢珣

勅具官李鎔等大將軍之設有以惣勲翊折衝之屬者有以司禁衛門籍之法者非嚴謹恭愿不可輒居以鎔處交戰之門有勲可庇嚴而能謹蓋稟於家以繼美當啣珠之名有勇可使恭而且愿復秉於心咸以美材俾遷上列兼秩之寵勸善並行可

授劉思謙驍衛大將軍李瓘金吾將軍等制

薛廷珪

勅具官劉思謙等大將軍齊之三公執金吾漢之中尉或分黃麾坐正殿之前或佩橫刀立天子之側親近寵貴莫之與京以思謙等昔在艱難不渝風雨克保臣節能知武繼而瓘祖考勲名功格上下副朕基構克勤班行清修自持儒雅有守朕言念後生違諸多難朝施勞於旄鉞莫置位於公侯獨爾寂寥未聞熏灼自待之意何其倍歟賞延之典茲用歉鬱屬有虛位先求舊人俾昇喉舌之官以由帶礪之旨爾其服美履光為吾心腹侍衛巡警勉於在公佇聞恪居

領軍大將軍

授杜叔良左領軍衛大將軍制 元稹

勅十二衛大將軍典掌禁旅張皇六師猶藩垣之捧宸極也為任不細是以出則授以弧矢驅犬羊於虜庭入則委以爪牙領貔貅於魏闕中外遞用僉謂恩榮前朔方靈鹽

定遠等城節度副大使知節度事觀察處置押蕃落等使
元從奉天定難功臣開府儀同三司檢校工部尚書兼靈
州大都督府長史大夫上柱國安定郡王食品三千戶杜
叔良將門之子不墜弓裘頗閱詩書素明韜略頃以五原
近寇禦侮才難遂俾毆攘實資毅勇星霜屢換節制斯勤
雖不立奇功而無忘慎固尚多此倚廼命微廵勉服新恩
以彰前効可驃騎大將軍行左領軍衛大將軍元從功臣
勳封如故

授前左武衛將軍李儔左領軍衛大將軍前右監
門衛大將軍江繼美左領軍衛大將軍制

錢珣

勅其官李儔等王者之居率先警衛將軍之令必勝戒嚴
儔與繼美皆以絳服青綬常立於西序矣在列甚謹其勤
亦多戎容頗稱於抱材家食且聞其處困故以左右領軍
之命並而進之兼帶從臣來爲日斯久咸從遷陟用舉滯
淹可

千牛大將軍

授前威遠軍節度都指揮使楊承襲左千牛衛大

將軍制

錢翊

勅拊瑟琴者其聲不諧尚或改而張之况軍旅大事利害
可論姑務變通且期寧謐具官楊承襲素以材力聞于朝
廷皆屬與師乃思致勇而時惟黷武未足經邦每念殘人

遂能屈已既從休息何必訓齊爾其罷彼戎機來歸環衛
職親任重假寵甚多無懷逆命之謀宜奉徵還之召况參
宿衛亦在促裝可

授牟崇厚右千牛大將軍等制

勅具官牟崇厚等罷行部者入則率執刀之屬以居其官
去宿衛者出則勸賣劍之人以成其政中外迭用典故甚
明崇厚嘗分吾憂知其理之急善有聞也漢暮能爾職
戒有備之嚴勤可稱也家食皆久賦祿甚宜勿墮疑作勿
踰疑作以期無咎可

羽林大將軍

授周仁軌左羽林大將軍制

蘇頌

門下周禮命卿六師成務漢圖拜將三傑推才光祿大夫
行光祿卿兼檢校并州大都督府長史上柱國汝南郡開
國公周仁軌執心剛疆臨事果決衛青奉法必讓其功師
丹守正每聞其直彼汾之間近胡之備吏人仰化戎虜憚
威羽翼任隆爪牙寄重宜光絕席用應題坐可鎮軍大將
軍行左羽林衛大將軍兼檢校并州大都督府長史勳封
如故主者施行

授薛訥若右羽林軍大將軍制 前人

黃門出師禦寇功成於告捷振旅休兵禮備於行賞攝左
羽林軍將軍借紫金魚袋薛訥勳閔良將邦家老臣讀太
公之立言受穰苴之爲法德業中遂墻仞罕窺智謀宏遠

泉源不竭須佇公孫之勳頗蠲孟明之罪遂能長驅隴上
深入湟中殲厥犬戎殘其蠱毒野無遺孽朝有茂勳宜應
設壇之寵俾光期門之寄可右羽林大將軍上柱國河東
郡開國公仍賜物三百段銀五百兩錢二百貫主者施行

授高仙芝右羽林軍大將軍制 前人

門下四鎮經畧副使前右羽林軍大將軍員外置同正員
密雲縣開國男賜紫金魚袋上柱國高仙芝素稱驍悍兼
聞智畧又在戎場夙推武用才有所適禮則從權宜復官
資更為邊并可起復右羽林軍大將軍員外置同正員

授王士則右羽林大將軍制 白居易

勅羽林所設上法星文軍衛之中號為雄重稱茲選任不
易其人左驍衛將軍王士則勲戚之家義方之子發身學
劔餘力知書早踐班榮累叅環列職近而身彌檢慎任久
而心益恭勤卑以自居勞而無伐况一備禁衛四為偏將
滯於久次宜有超遷集作俾領上將仍升集作右廣統良
家之騎士訓期門之材官寵任不輕無墮於事可右羽林
大將軍

授前驍衛大將軍劉崇文左羽林大將軍知軍事

等制 錢翊

勅具官劉崇文等漢家摠率禁軍有北軍南軍之號今羽
林領軍之職蓋近之美崇文廷羨常以赴赴之材對濟濟
之列稱夫環衛立西階今復命之俾無遺者勉揚威烈

勿怠警巡桂林屬城頗叅戎俗以若納久當官次多達物
情分我遠夏資其惠政入居出守各慎所為懸法甚明賞
善斯至可

對前勳滿大將軍隆崇文武陳林大將軍朕軍事
大將軍鎮經畧副使前右羽林軍大將軍員外置同正員
家之勳士信門之林官竇升不痺無壘於事可古陳林
兼於又文耳亦跋墨兼於野珍土祿兼於水兼於亦實於身
而心益恭謹甲以自告榮而無升武一制禁滿四為滿祿
險領代朕書早勳滿榮累榮陞陞也而良滿劍與升又
其入亦勳滿祿軍王士國煥湘之案義衣之千發良

文苑英華卷第四百一

中書制誥二十二

環衛二

左右衛將軍

授張玄逸右衛將軍制

孫逖

門下中大夫守光祿寺卿員外置同正員賜紫金魚袋張
玄逸幹蠱於君謙冲自下外姻之旅衆望攸歸寘彼周行
備聞聲實委之環衛允切腹心宜易位於多疑卿俾呈能
於真將可明威將軍守右衛將軍勲賜如故

授吳王祗衛將軍等制

前人

門下左衛將軍吳王祗等國之近屬朝之多士或同班警
衛有避於天倫或列位周行已淹於歲序各移官命用廣

文苑英華 卷一百一十五
朝恩可依前件

授駙馬鄭何右衛將軍制

白居易

勅周設七萃漢列八屯皆以拱衛王宮肅嚴微道統茲騎吏其屬親賢具官鄭何擢秀士林挺質公噐以貞和陶其性以禮樂文其身善積德門慶連戚里况久踐名職累著聲猷念舊獎能宜加榮寵環列之尹不易其人俾宣力於爪牙不失親於肺腑可右衛將軍餘如故

授王知信左衛將軍并史寰右監門衛將軍等制

杜牧

勅昭武軍校尉前守右驍衛將軍上柱國賜緋魚袋王知信等古人之為理也一青而掩大功克黃紹子文之

宗霍陽繼傳陸之後知信烈祖具丘之戰可庇十代豈止

曾孫寰父伯仲亦効忠懇提挈全魏于朝廷今者寵以將

軍旌其舊德豈唯獨舉賞延之典亦欲使裂土集作列土諸將

自為孫謀彝鎬明詛入仕已久皆無悔咎集作各故有序遷

臨封遠邦蔡毫兵部一作郡分憂佐理無忘謹廉可依前件

授王知遠左衛將軍制

錢珣

勅具官王知遠堯之克明周有懿德推恩而舉其有遺於親戚者乎如得其才匪曰私舉知遠稟訓於父且勵事君在官不違設爵何恡將軍使爾備宿衛尚書使爾進秋官且示兼榮則宜竭力報吾推恩之道無所私於親戚也可

授王知道寧州刺史王知勳右衛將軍制

薛廷珪

勅具官王知道等有寶臣作鎮邠一作土伯氏仲氏鼎

峙于列藩乃子乃孫膺合于當代宣彼忠力屏于冲人方

將仗之冀靜紛擾開懷以待有請必俞今復上章來陳内

舉願以屬郡俾知道分憂推其赤心請知勲入衛言觀爾

志式慰我心况聞訓勗甚嚴砥礪甚正既孝以事父必忠

以事君忠孝存焉君父一也良二千石與大將軍榮爾闡

門列吾禁旅並兼揆路仍亞台司吾於勲賢斯謂臻極唯

爾父子享吾恩榮慎圖始終以保富貴可依前件

左右金吾將軍

授唐先擇左金吾衛將軍等制 蘇頌

門下右金吾衛將軍唐先擇名公之胤理識通明左金吾

衛將軍呂休琳良將之才智謀深遠雖東西列衛俱賴其

人宗族聯官所宜迴避俾從易位用叶朝恩先擇可左金

吾衛將軍休琳可右金吾衛將軍餘如故

授蓋嘉運兼金吾衛將軍制 孫逖

門下右威衛將軍兼北庭都護蓋嘉運百夫稱勇萬里將

軍智則有謀忠而能毅頃者狂寇作梗銳師深入用奇以

往决勝而歸式疇其庸言命之賞宜增秩於中尉仍握兵

於外域可左金吾衛將軍兼北庭都護餘如故

授吾奏左金吾將軍制 常袞

勅將我南山秩高中尉以禁戎之重任委舅氏之同心具

官吳秦塗山介祉章武雅才言而有宗儉而能廣達禮樂
政刑之要存忠信孝友之誠報虞歷年府寺失職素以賢
戚之望職司太子之家清心奉公庶務悉理擅羨春儲之
采流芳秋實之詠固可以首當褒進大勸官曹俾執金吾
用彰貴任可左金吾將軍餘如故

授田盛金吾將軍勾當左街事制 白居易

勅右金吾衛將軍田盛夫仕官至執金吾古今之集作榮

重也而盛生勲德門有文武畧居貴介而無佚領誰何而

有勞言念徽巡之勤集作宜乃集作轉遷之命處左攝事

以表用集作使能可依前件

授張直方田牟將軍等制 崔輿

勅統環營於中禁司微道於右街非節効素彰見義而鏘
銖爵祿威謀夙著宜力而踐更翰垣則何以爲我信臣膺
茲寵寄檢校刑部尚書兼左金吾大將軍張直方沉果知
機忠烈繼志承許國之義訓有能軍之勇名豹變除習俗
之風鷹揚多御衆之術白脫疑幽薊奉職警巡勤固有夙
夜之勞謹嚴得誰何之任前天平軍節度使田牟體懷忠
厚氣槩雄邁襲台耀之洪伐振家聲於勲籍深識戰器之
本亟升勇爵之班馬嶺鴈塞嘗絕煙塵之警西楚東魯每
聞輯睦之方而皆早讀父書動合軍志克隆紹續之業備
詳竒正之機是宜委以禁戎爲之禦侮長期門以絕席擁
緹騎而式遏俾之重閉斯謂爾勞題劔弄印仍祗舊服勿

替徽問勉承寵光直方可右龍武將軍牟可右金吾將軍

授陳班右金吾衛將軍制 錢珣

勅具官陳班朕求理未濟厥心匪寧實在庶位之間皆欲必獲其所况爾克繼勲藉通知武韜許國之誠忘身靡憚受爵而每期無忝檢身而唯恐有瑕雖秉郡符莫食公廩退居而處沉靜可嘉陟以執金仍兼端右俾承閎闕且耀寵章可依前件

授高彥弘右金吾衛將軍制 前人

勅具官高彥弘朕每視朝執金吾率其仗衛陳於陛前退則與大京兆禁暴詰姦以清轂下其職如是非細任也以爾進在周行常為環尹實於巡警素積勤勞比授郡符將觀為政屬其節制有所薦聞方資宣力之臣難奪舉材之請未能出守遂至罷君暫解印於外臺復彈冠於近列勉思有寵善戒不虞可依前件

左右驍衛將軍

安金藏右驍衛將軍制 蘇頌

黃門游騎將軍行右武衛翊府中郎將員外置同正員直太常寺安金藏家本孝悌身全忠懇往在周朝困於酷吏其誣良善敢謗太皇不任楚毒並加刑憲金藏乃自刺心肺見其誠節因而寤主寶賴斯人則弘演納肝田光吞舌求之既往未足為喻眷言酬德自可超倫彰其貞固之美拜以誰何之任可驍衛將軍員外置同正員餘如故主者

施行

授幽州兵馬使劉棟左驍衛將軍制 白居易

勅具官劉棟夙負氣槩早習騎射才推燕趙之士學究孫

吳之書加以忠厚可當任用况有令弟為吾信臣節著艱

貞情鍾友愛夫寵寄於外莫重於藩垣委任在集作於中莫

親於禁衛加此一職寵爾二人豈不為榮季出叔處可左

驍衛將軍

授楊約左驍衛將軍并焦敬復左領軍衛將軍制

錢珣

勅國家之道文武相須故帶綬簪冠而處將軍之位者必

求雄俊之材以對我卿大夫具官楊約智則好謀勇而知

禮臨戎之用以律甚明具官焦敬復蒞事多能理煩益

舉其成效可以在庭俾就衛環式昭獎勸使號令有嚴於

宿衛謨明一作威名皆稱於職官副吾雄俊之求以濟相須之

道可依前件

左右監門衛將軍

授元環右監門衛將軍制 孫逖

勅右監門衛中即將元環木冠濟業言行資身地在通烟

人稱懿戚徵於舊典洽以新恩宜有命於移官更增榮於

賜服可依前件

授趙惠琮左監門衛將軍制 前人

門下中大夫守內侍上柱國賜紫金魚袋趙惠琮素韞智

謀早周慎密一作早頃令啣命委以臨戎既逾險而深入亦乘危而苦戰遂清狂寇且振邊威不有賞功將何勸善宜列瓜牙之任仍真印綬之榮可雲麾將軍守左監門衛將軍仍兼知內侍省事勲如故

授前左威衛將軍安弘度右監門衛將軍制

錢珣

勅具官安弘度等吾以大柄付丞相日行於堂上唯文武之士參用其才耳凡觀公舉亦必可之今具列爾名來請吾命將軍佐吏循次而遷且稍疑作稱所能兼授貴秩罔有不信徃宜思之可依前件

授吳敬存左監門衛將軍張景球虢州司馬兼中

丞等制

李磻

勅吳敬存等各以才能効其忠節或誘諭軍帥捍蜂蟻之師徒或善葺都門壯鳳凰之城闕嘉績既著賞典宜及將軍職於禁旅司馬兼於憲丞可謂寵榮足以耀於流輩矣可依前件

左右羽林將軍

授楊敬述右羽林將軍制

蘇頌

黃門瞻彼玄闕衛於丹禁命將擇人制軍為旅雲麾將軍檢校右羽林將軍上柱國楊敬述心堅鐵石器蘊珪璋以俊穎之才有溫謙之美附枝中葉則藝極於彫弓咀實含英則詞殫於綵札自五營高選千廬入侍中而作訓勤以

宣威俾寵誰何正其名秩可右羽林軍將軍勲封如故

授許輔虔左羽林將軍制 前人

黃門國之武士其盛如林朕之賢臣其貞匪石則可以制

軍而作訓也雲麾將軍檢校右羽林將軍借緋魚袋上柱

國申國公許輔虔方外直內智崇禮卑備聞舊章好讀前

史忠於事主信以此人未嘗不抗節思齊立言致遠頃除

虵豕之孽特建殊勲洎肅熊羆之旅蓋稱重器我之所賴

爾實命諸必也正名用監中候可左羽林軍將軍勲封如

故

授王斛斯右羽林軍將軍制 孫逖

門下太中大夫守太僕卿員外置同正員上柱國賜紫金

魚袋王斛斯智謀宏遠識量冲深位列名卿才優良將頃

膺朝寄作扞邊陲惠威有孚羗戎即序念其勤苦仍返旆

於西城任以腹心宜典兵於北禁可宣威將軍守右羽林

軍將軍勲賜如故

授彭元昭右羽林軍將軍制 前人

門下中大夫使持節都督洮州諸軍事守洮州刺史同隴

右節度副使上柱國賜紫金魚袋彭元昭久統邊事咸推

武才必也好謀豈唯有勇迺遷中外方表幹能宜典禁兵

以膺重寄可右羽林軍將軍

授于季友羽林軍將軍制 元稹

勅其官于季友天子六軍必有材官攸飛超乘挽疆之士

在焉董之以威待之以信分八舍之衆寡均二廣之勞逸
不吳不揚不掉不挫皆將軍之令集作命也是以李大亮上

直禁中而文皇其寢則腹心爪牙之任斯不細矣以爾季

友時予舊姻念往興懷度才思用榮以服色列于藩垣爾

其敬恭無替朕命可守右羽林軍將軍知軍事仍賜紫金

魚袋

授王輔元

集作元輔

左羽林衛將軍知軍事制

白居易

勅國家設十二營漢之有南北軍而左右羽林尤稱親

重自諸衛而移領者謂之羨遷左神武將軍王輔元生熟

關之家通吏理之事佐戎臨郡率著能名可以掌鈎陳商

護建章備巡警而嚴羽衛大將軍事假而行之宜勵初終

副茲寵任可依前件

授前右羽林將軍李彥佐服闋重除本官兼御史

史中丞知軍事制

前人

勅軍有羽林用法星象統之爪士以拱宸居具官李彥佐

前以忠勞選登戎衛而能訓勇力之士以備時使申誰何

之令以奉微巡夙夜祗嚴不懈于位既終喪紀宜服官常

假中執憲之名行上將軍之事勉修舊職用副新恩可依

前件

授郭簡右衛制置使右羽林將軍制 錢珣

勅環尹之設皆得以親宿衛時警巡而羽林之名自天垂

象有拱宸之貴擇人匪輕具官郭師簡頗負雄材仍懷勇氣堅秉事君之禮深知用武之權載感時艱因思已立禦寇而隄防甚謹提兵一作臨而號令必行善復流亡多謀完葺率先陳力誓不去於京師望幸傾心志有同於父老難能之節臨事始明方資制撫之勤遂假陟遷之寵宜乘激勸更集功庸猶懸受賞之期重在平戎之日可依前件

左右武衛將軍

授曹王弼左武將軍

孫述

門下行左清道率府曹王弼籍慶宗枝升榮官序頗一作頃有公累終非自作曾一作是黜官亦云累載宜叶睦親之道俾遷仍舊之職可左武衛將軍勲如故

授郭玄昇右武衛將軍等制

前人

門下將作少匠郭玄昇忠厚資貞有聞於行守太子家令鄭繼先衣冠濟業不隕其名各在官次頗淹年序宜分職於五校俾增榮於兩宮玄昇可右武衛將軍守右衛將軍繼先可右武衛率勲如故

授裴倩在武衛將軍制

前人

門下前守右武衛將軍裴倩韞是忠勇資其智謀久樹邊功備詳戎事疆場有警方期於効節金革無避宜後一作復於奪禮一作情可起復守右武衛將軍餘如故

劉泰清左武衛將軍制

元稹

勅劉泰清文武並用必推其才久次不遷則有昇叙以爾

踐更吏職星歲頗淹例當酬勞用進常秩奮我武衛以列
周廬斯亦信臣之任也其勤厥職式副予恩可游擊將軍
守左衛武將軍

左右龍武將軍

授齊遵等左龍武將軍制

薛廷珪

勅具官齊遵等官之設所以毓材勸能也苟不當其選安
以假吾所器而滯爾來者今命爾遵謀命爾瑤冠蟬冕橫
佩刀為左右龍武將軍所以昭勲庸之嗣而用其無瑕者
也浩與齊虔久聞罷免各旌勤瘁且振淹滯並升環衛之
嚴俱委腹心之寄用明激勸往服恩榮勉務進修以圖光
大可

左右神武將軍

授姚成節右神武

集作策下同

將軍兼知軍事制

白居易

勅朝請

集作議

即前使持節成州諸軍事守成州刺史元本

州守捉使賜紫金魚袋姚成節嘗為天平軍裨將當劉悟
之立忠勲也謀成事集爾有助焉雖授一城未足酬獎况
聞信厚勤恪宜於爪牙肘腋間君之昔漢文帝以宋昌忠
勞擢拜將軍使掌環衛今吾用汝循前心也環拱之職得
不勉歟可致果校尉守右神武將軍知軍事餘如故

授前千牛衛將軍徐瓘右神武將軍兼知軍事等

制

錢翊

勅具官徐祭等陳力諸吏曳長組於西階之下而參將軍之位者况假地官之秩兼騎省之名仕蓋顯矣惟祭暨岳皆嘗立朝自効之勤所聞甚著使之遷擢乃用舊章道隣有勞於公亦宜賦祿郡佐漸優之命勉進爾途可

左右威衛將軍

起復杜賓客右威衛將軍制 蘇頌

黃門雲麾將軍前檢校左監門衛將軍上柱國杜賓客志惟倜儻才稱果決聞鞞而立特壯三軍之氣奮劔而前將雄萬人之敵頃在艱罰甫懷忠勇金革是任春秋所稱伴適權宜用光戎事可起復右威衛將軍制

式六右

威衛將軍制

蘇頌

勅具官李璠等朕每據法座命百辟四夷大和會于朝能率其屬建黃麾飛麟之旗立於階前者有衛將軍之盛職也璠以忠謹之職周旋於藩邸之中以久得遷常為貳金吾矣武弁有列乃命陟居倚以壯勇之材率陳扈蹕之力以功可進來立於朝既曉王鈐俾登環衛尚書之秩光寵並行可

授王存禮左威衛將軍制 前人

勅具官王存禮等朕於文武之士雖用之有殊而覈之不易以材濟用者是所求也以志立功者是所嘉也至於免官去職寄食屏居言念艱難益多愧歎執政能舉我心允同且以爾等負濟用之良才守立身之素志又復免官寄

食安得置而不圖各敬所遷以揚厥職可

左對王齊暨武安諸將軍歸

前入

並行

起復

杜賓客

右

衛將軍制

蘇頌

必也四載來立於陣對郭王命登臺諸尚書之辨光寵

吾矣五符亦既以命判武衛以非良之林率刺豎戰之代

出番以忠勤之鄰固強茲蓋必之中以又許數常為須金

率其盡數黃蠶派糶之燕立於對前亦不諸許軍之盜鄰

陳具宮李許宰相並謝去至命百執四夷大咏會于陣道

文苑英華卷第四百三十一 中書制誥二十四

東宮一

太子太師

授宋王成器太子太師制

門下孟侯之禮雖歸於冢嚮太伯之風實尚於高節左衛

大將軍宋王成器幼而聰惠長則溫仁禮樂同歸質文相

半孝以為政每用因親忠而立誠所期尊主故能樂於為

善好在服儒占蟻穴以探徵登省臺而成賦自奄有梁宋

作藩邦家其儀孔臧其德可大朕之元子當踐副君以隆

基有社稷大功神祇唐書作人神僉屬由是朕前懇讓言在必

行天下公議唐書作至公誠不可奪爰符立季之典庶叶從人

文苑英華 卷一百一十五
之願况別為九州必資於牧伯貞夫萬國先佇於師傅式
副僉諧之求仍光不拜之寵可雍州牧揚州大都督太子
太師別加實封二千戶賜物五千段細馬二千匹奴婢十
房金銀器皿二百事甲第一區良田三十頃餘如故王者
施行

授信安王禕太子太師制

孫逖

門下傳導元子師長庶寮必在正人無非舊德太子少師
上柱國信安王禕宗室良翰朝廷碩老踐忠公而立節體
明肅而成用頃膺大任頻總中權掌夏司春是為六官之
長戢兵禁暴何止萬人之敵睦親尚齒念舊錄功宜優天
秩之榮俾極宮臣之位可光祿大夫守太子太師勳封如
故

太子太傅

擬太子太傅制

劉禹錫

勅太子太傅古今之重任也其使吾子目見正事耳聞正
道左右前後無非正人繫爾太傅之力久虛其位式佇端
人以爾命之朕無慙德可

太子太保

擬太子太保制

前人

勅禮云三王之教太子入則有保出則有師是以教諭而
德成也其實一焉必擇恭敬温文以輔道其德使吾太子
觀爾之道景行之無人則虛不求克位校德而命其稱厥

官可太

太子少師

授唐休璟太子少師制

蘇頌

門下君臣之道欽若從父師保之寄人具爾瞻必在耆德
其康庶政特進前行尚書右僕射同中書門下三品上柱
國宋國公致仕唐休璟自天錫夢維岳降精心竭忠公器
包文武廟堂隆棟委以弼丞帷幄運籌推其決勝爰當宰
任固辭揆職私第懸車耆年益壯公門軾馬朔見逾聞求
舊所期懷賢是切諭於三善况待正人營於百工孰過元
老宜紆几杖俾作鹽梅可行太子少師同中書門下三品
散官勲如故

授岐王範太子少師等制

前人

黃門贊翼皇儲允歸師保崇敬叔父諒屬親賢虢州刺史
上柱國岐王範祕書監兼幽州刺史上柱國薛王業等明
允篤誠溫良恭儉忠孝先於令典文儒偉於成業自為我
藩翰擁其干旄雅聞邵伯之詩尤羨魯公之政雖頒條是
務而導禮兼資因入拜於承明佇來儀於博望範可太子
少師虢州刺史業可太子少保兼幽州刺史勲封等各如
故王者施行

太子少傅

授嚴綬可太子少傅制

白居易

勅東朝保傅歷代尊崇漢擇名儒

一作漢

任一作

先疎廣

晉求耆德選在山濤實資六傅之賢用弘三善之道檢校
司徒兼太子少保嚴綬文雅成器恭謙致用出領重鎮以
帥諸侯入爲大具集作僚以長卿士歷踐中外備嘗艱虞殆
三十年勤亦至矣况理心以體道知命而安時是謂教誨
之人可居集作調護之任由保遷傳爾其敬之可太子少
傅

授鄭餘慶太子少傅制

前人

勅東朝三少歷代重選不必備位在乎得人吏部尚書鄭
餘慶貞恒儉素有古人風發自脩身施於爲政出入中外
多歷要重咸有勤績存乎集作官次况動中禮法學綜儒
玄是謂羽儀之臣可居師傅之任輔我元子爾其勉歟可

太子少傅

太子少保

授崔琳太子少保制

門下貞萬國者必在於元良教三善者是求於端士銀青
光祿大夫守刑部尚書上柱國清河郡開國公崔琳中和
稟氣厚德資身雅言有章明議能斷標禮樂於先進効忠
公於大官堅白不渝芬芳自久緝熙秋典用簡于心調護
春宮更難其選宜取才於六職俾齊名於二傅可守太子
少保

太子賓客

授常嗣立太子賓客制

蘇頌

門下望園賓客恭贊莫可中朝碩茂選衆攸歸銀青光祿
大夫國子祭酒上柱國逍遙公常嗣立溫恭密靜孝悌忠
實鑒測毫端詞詮象外昆弟承一經之業登相者代不乏
人閨門有萬石之風立言者士是則效疇咨滿於故事潤
色敷於令典屬以疾辭用體張良之志資於德舉宜從綺
季之遊可太子賓客散官勳封如故王者施行

授鄭惟忠太子賓客制

蘇頌

黃門元良之重賓友是擇自匪舊德孰膺一作斯拜銀青
光祿大夫守禮部尚書上柱國滎陽縣開國公鄭惟忠積
溫厚之氣暢清純之風學綜幽蹟詞含比興屢登近要見
美徽猷不訐直而徇多期後仁以爲利北斗曠舌雖屬於

之裕可守太子賓客散官勳封如故

授賀知章太子賓客等制

孫逖

門下調護儲宮典司延閣必在舉德固無虛授慶王侍讀
銀青光祿大夫祕書監員外郎置同正員賀知章等衣冠
耆舊詞學宗師或恬淡風流獨擅東南之美或清貞介特
是稱江漢之英負當朝之令名有錫類之純行頃今教導
父侍藩維善利則多寵章宜及方之四老用列賓友之任
綜彼三墳俾在圖書之府可依前件

授孟溫太子賓客等制

前人

門下重位高官必歸於舊德中朝內外亦在於更遷金紫

光祿大夫使持節同州諸軍事行同州刺史上柱國魯國公孟溫性與嚴明才優政理朝請大夫使持節魏州諸軍軍事守魏州刺史上柱國安平縣開國伯崔璘清而率下正以持身或累登要劇聲謚夙著或頻更刺舉歲序滋深出入兼施器能皆適宜膺調護之選俾踐官坊之任溫可太子賓客璘可太子右庶子散官勳封如故

授裴元初太子賓客制

前人

門下宮朝所重賓友為先誰其徂諧必也求舊通議大夫守太僕卿上柱國開喜縣開國侯裴元初已勵行全一作脩已

勵存誠好德中和應物豈終食而違仁至理為心每忘筮

而合道早升清要一作累踐崇能慮始以思終不近名

而過實宜膺端士之選以佐元良之貞可太子賓客勳封

如故

授嗣吳王祗太子賓客制

常袞

勅古者選孝悌閑博有道術者輔翼太子今以宗室之老處賓師之位亦親親而教敬也光祿大夫檢校工部尚書兼宗正卿上柱國嗣吳王祗文昭之慶蔚于公族楚元之後繼有忠賢達道虛懷寬厚廉謹藩翰舊德人倫憲行更於內外職事頗循疑年在華皓未嘗衰惰參會府而百工時叙掌宗卿而九族益親每託肺腑深加優禮宜以冬官之重乃在春儲之列可兼太子賓客其檢校工部尚書及散官勳封如故

授孟子周太子賓客制

勗聞匹夫之愛其子者猶求明哲爲之師賢善爲之友而况於羽翼元子賓游東朝非舊德耆年孰副茲選前守光祿卿騎都尉賜紫金魚袋孟子周詞藝飾身端厚居業歷官中外休有令聞人推君子之風朝洽名卿之目副予求舊咨爾誠明勉脩諷喻之詞以俟元良之德可守太子賓客勲封如故

授趙昌檢校吏部尚書兼太子賓客制 白居易

門下王者以尚齒尊賢爲體以念功任舊爲心况文武之才有以兼備則中外之職所宜迭居所以寵舊勲而優耆德者也前荆南節度管内度營田觀察處置等使金紫正祿大夫檢校兵部尚書兼江陵尹上柱國天水郡開國公趙昌聚學飾身脩誠致用久膺事任累著勲猷統護交州威惠之聲克振鎮臨南海撫循之政有經自移部荆門馳心魏闕增脩職貢益勵忠勤爰舉寵章用旌茂績夫望優四皓然後能調護春闈才冠六卿然後能紀綱會府惟爾年德足尚可以周旋其間宜增喉舌之榮以崇羽翼之任服我休命其惟懋哉可檢校吏部尚書兼太子賓客散官勲封如故主者施行

授王牘太子賓客制 錢珣

勅典職之重本於調護之名者非端厚自守練達有聞焉可罷而復居當我爲官之選具官王牘始剛方之氣嘗失

志於策名受聘塞垣通籍朝序致強學之力不廢半塗耻
巧官之謀罔違公道利多開物優實在邦戒滅裂以能勤
知蒲盧之可化頃因將命遂乃去官爰陟崇階俾還舊秩
勉來辦色無墮盡忠可依前件

太子詹事

授畢構太子詹事制

蘇頌

黃門攝生遂性義存於尚德去劇從簡禮切於優賢銀青
光祿大夫守戶部尚書上柱國魏郡開國公畢構當代周
才幹時良具臺閣推其簡練衣冠仰其全德而五教之重
六官是先精以辦政勞而弱疾方欲憑於導引極疑彼清
廉誓踐寶嬰之職亟期呂蒙之愈可守太子詹事散官勳
如故主者施行

授許王瓘太子詹事制

孫逖

門下宮僚之首必擇正人邦圻之內實資良牧銀青光祿
大夫祕書監上柱國太原郡開國公王暉言行立誠是稱
親懿嘗以善而為樂每執謙而忘倦從政已多議能惟允
彈違是屬宜肅事於東朝理劇尤難俾安人於左輔瓘可
太子詹事暉可使持節同州諸軍事守同州刺史散官封
如故

授盧詢

一作綸

太子詹事制

前人

門下大中大夫使持節華州諸軍事守華州刺史上柱國
盧詢才標公望器重士林頃寄分憂備彰聲稱近聞稱病

已歷旬時雖從政之能猶堪於卧理而攝生之道終忘於勞神宜增班秩之榮俾在優閑之地可太子詹事員外置同正員

授程伯獻太子詹事等制

前人

門下準繩儲案師長國庠爰擇親賢用諸任寄鎮軍大將軍行右金吾大將軍兼弩營使上柱國廣平郡開國公程伯獻勲臣業固幹略有餘雲麾將軍守右武衛大將軍上柱國安平郡開國公李仲思宗子地華行能無悔咸推雅量早踐通班或甫及高年或近嬰微疾營校之任久以煩鄉優閑之職期於遂性宜膺並拜俾在兩宮伯獻可光祿大夫行太子詹事仲思可銀青光祿大夫國子祭酒員外置同正員

授王暉太子詹事制

前人

門下儲闈掌事端戶命官疇咨所難快擇斯在雲麾將軍前左千牛衛將軍上柱國太原郡開國公王暉衣冠貴緒人物通才善自謀身見推於賢戚凡所効職必聞於中外頃緣謝病今則有瘳舉其滯淹用升于朝列甄其望實宜首於宮寮可銀青光祿大夫守太子詹事勲封如故

授郭曜太子詹事制

常袞

門下正于宮僚以視邦憲務兼內外選重古今銀青光祿大夫守太子賓客上柱國太原郡開國公郭曜丞相之子夙聞禮訓孝悌信讓清公仁厚端莊慎獨如有大賓之容

沈靜少私澹然儒者之行濟以才識達於公方素多歷職
之稱用叶居家之理士林推重朝野洽聞待以客禮既任
賢於調護委之官事更持綱於彈糾可守太子詹事散官
勳封如故主者施行

太子少詹事

授沈佺期太子少詹事等制

蘇頌

黃門正議大夫太府少卿昭文館學士上柱國吳興縣開
國男沈佺期才標穎拔思詣精微早升多士之行獨擅詞
人之律正議大夫行衛尉少卿上柱國揚崇禮神情凝正
器識沉敏久聞忠義之風克樹循良之績儲闈總務卿寺
推能佇執紀綱爰司帑藏佺期可太子少詹事餘如故
禮可行大府少卿以取官勳如故主者施行

授裴君上太子少詹事制

前人

黃門正議大夫行中書中少監員外置同正員裴君士外以
凝正中惟雅實地二稱垂棘之寶門降穠華之貴自邁迹朝
行升茅御府允聞密靜行益一作益重柔嘉亞彼儲端允符公
選可太子少詹事主者施行

太子左庶子... 中書制誥二十五

文苑英華卷第四百四

中書制誥二十五

東宮二

授王方慶左庶子制

李嶠

臺昇降銅樓輔弼一作玉裕必求時望以隆國本麟臺

監王方慶盛門良緒敏學豐才道業夙彰言行無玷備歷

清顯式昭幹具體温恭之性造次不違守廉退之風終始

若一實舊德之明允見通人之老成昔張良以三傑之才

始傳儲右史丹資八舍之重方護春宮簡賢任能抑有前

事宜膺九德之選用光三善之業可行太子左庶子散官

勲如故

授姚元之等兼太子庶子制

蘇頌

勅元儲者萬國之貞端士者一時之選自匪英傑孰當調
護銀青光祿大夫守兵部尚書同中書門下三品上柱國
梁縣開國公姚元之中散大夫檢校吏部尚書同中書門
下三品宋璟等並以賢良方正茂才異等著於天下揚于
王庭忠而在公孝以為政見義難奪立誠不囿發揮文教
博一作錯綜儒術故能生此王國戴于朕躬屬少陽初建承
華洞啓使股肱之良宣諭道德雖典厥二柄實務茲官必
俟大臣俾兼中庶元之可兼左庶子璟可兼右庶子餘如
故

授韋杭太子左庶子制

前人

黃門銀青光祿大夫行兵部侍郎上柱國韋杭公直有
清芳無欲自然禮儀飾以文雅臺閣許其精練縉紳推其
望實故可以發揮夏籥光踐春華宜從綺季之遊益重王
商之拜可行太子左庶子散官勳如故主者施行

授崔珪太子左庶子制

門下太子左庶子崔珪和氣由衷通才應物衣冠貴其雅
道筆札資於利用官坊効職聲實攸歸曾一作爰是遞一作遷宜
從後命可太子左庶子散官勳如故

授崔秀太子左庶子制

門下古者官宿其業吏不數變將欲觀其始終因以別其
能否若用捨非當遲速不倫是開趨競之門豈日和均之

道宗正少卿崔秀等名迹早著朝廷所推各勅一作一官已經四稔誠器能有用久次當遷宜副僉諧俾膺並命且承平日久從仕者多必憑考績方議進轉但須慎守豈滯其能如或躁求足招其累速則不達謙而必亨允今庶僚宜悉朕意可依前件

授郭虛已太子左庶子制

前人

門下朝議郎守駕部員外郎兼御史中丞朔方節度行軍司馬關內道採訪處置使賜紫金魚袋郭虛已雅才明達和氣清深致遠之資文而歸吏徐雅之用剛且近仁累踐臺閣頻更任使懋功斯久賞善當遷擢以正人宜拜職於中庶增其寵服俾兼榮於獨坐可朝散大夫守左庶子兼御史中丞餘如故

授張謂太子左庶子制

常衮

勅中散大夫前守潭州刺史本州團練守捉使上柱國河內縣開國子賜紫金魚袋張謂往以鴻筆麗藻列於近侍典謨訓誥多所潤色較然素節爵有盛名言念華山之巡不忘潁川之從一作舊俾之領郡亦謂理平而孝悌閑博禮容循謹宜在公選首茲正人旌書課第之日叅相春坊之重可守太子左庶子散官勲封如故

授李虞太子左庶子制

常衮

門下銀青光祿大夫前行給事中上柱國隴西縣開國公李虞德崇業廣多識前言究墳典之至精考禮樂之所極

時有著述贍而不流其在家邦率由忠儉歷位要重秉茲
諫直久以病免澹然自居混冥元和放一作屏絕外務每制
慶未決質文或差常亦處正大議冠諸宗室儲宮綜事可
謂優閑豈迫以朝議且頒其祿賜煩於贊相寄在親賢可
行太子左庶子散官勲封如故主者施行

授楊歸厚太子右庶子制

李虞仲

勅為宮相者非班位已深名望有素則不可也前東都留
守判官朝議郎檢校太子右庶子兼侍御史上柱國賜緋
魚袋楊歸厚詞場英華諫省勤舊及典列郡政聲必聞乃
著罷符印之勞佐保釐之重賢士君子歎其不遷儲闈屬
秦中庶為羨爰用分職爾其往哉可守太子右庶子分司
東都散官勲賜如故

授前沂王傅賜紫殷盈孫可太子右庶子等制

錢珣

勅具官某等習與性成至哉夏書之訓也故近則相習習
則相成國有儲君戒之在習於其附近實屬上僚盈孫學
奉六經遂達四教出言行事常得指歸是以宮相命之且
欲近吾元良利於所習其爾必三字聞荷前為博士官竟
不就列堅求縣長務供養之資圖樂退居爾能于祿載典
而興一作與有所嘉焉可依前件

太子中允

授于復業太子中允制

李嶠

鸞臺新除朝議大夫守隨州刺史于復崇志識端雅藝能
詳洽既罷臺閣方驅節傳銅樓俟俊銀榜翹賢漢水觀風
且輟彤檐之務瑤山聽樂宜煦黃離之景可守太子中允
散官如故主者施行

授于光寓太子中允制

蘇頌

黃門正議大夫行太子左贊善大夫于光寓立言踐行悅
禮敦詩爲文可觀從吏不忝往登仙閣閑練馳聲泊在雄
藩清公應務宜以大夫之列更增端士之華可行太子中
允散官如故主者施行

授李察太子中允制

蘇頌

勅李察賓于諸侯之府者次於公朝之吏籍其參畫則
加甄擢獻其賢能則入選寮事其長有勞可書昇于東朝因
愿之請勉奉清秩無曠厥官可依前件

太子司議郎

授魏慤太子司議郎制

蘇頌

勅朝議郎前行洛州錄事參軍魏慤措心和暢祗事清審
擢選殊尤早從殷劇司州摠錄已提郡吏之綱均至苑求賢
宜在正人之列可太子司議郎

授張肩太子司議郎制

前人

勅朝議郎前守渭州司馬上柱國武城縣開國男張肩公
清衆知虛白已任政先慈惠理尚仁明每執効官之心必
聞奏課之首承華佇雋博望甄才用旌賢相之家宜在正

人之列可行太子司議郎散官如故

授許誠感太子司議郎等制 前入

門下朝散大夫行殿中侍御史上柱國許誠感朝議大夫
守澤州別駕上柱國嘉興縣開國子姚昌潤等或持邦憲
才幹稱多或貳藩條公勤克著青宮列侍文閣脩文宜拜
於兩司仍佐軍於三蜀誠感可行太子司議郎昌潤可守
著作郎仍充劍南節度判官勲封各如故

左右諭德

授楊禎太子右諭德制 前入

黃門大中大夫前試剡王府長史上柱國鄭國公楊禎敬
以安仁恭而合禮相門華胤夙著清徽王即元稹復膺高

選屬肇開於博望宜審諭於承華可行太子右諭德餘如

故王者施行

授殷承業太子左諭德等制 孫逖

門下朝議大夫宗正少卿殷承業行宗正丞王利涉等咸
以器能各升班序克勤於事不忝其名九族之司既無取
於異姓兩宮之地宜有命於分官承業可太子右諭德利
涉可國子監丞

授許從之太子右諭德制 常衮

勅朝議郎試太子司議郎賜緋魚袋許從之學究儒流文
推策府行能優敏政事通明公勤之効備彰於履歷遲暮
之年固資於順養俾遷階秩仍遂休閒可朝散大夫守太

子右諭德致仕

授王寅太子左諭德制

前人

勅關內河東副元帥隨軍要籍朝議即試祕書省著作郎
賜緋魚袋王寅業繼儒門才通吏術嘗踐清秩不渝素檢
自叅戎府更展文韜進職官僚用嘉勤績可試太子左諭
德餘如故

左右贊善

授相王男成器太子左贊善大夫制 李嶠

鸞臺相王男壽春郡王成器毓彩桂山承規椒掖韶容霞
舉美志月將望施翹才瑤山佇俊宜叅多士之選俾從正
人之列可中大夫太子左贊善大夫勲封如故主者施行

授王瑀太子左贊善大夫制

蘇頌

黃門通議大夫行宋王府諮議叅軍上柱國王瑀雅清理
識尤茂風檢藝能素優名教為樂雍容朱邸已聞諷議之
先一作侍從青宮宜在文儒之列可行太子左贊善散官
如故主者施行

授蘇徵太子右贊善大夫制

前人

黃門正議大夫行絳州司馬上柱國蘇徵名公之訓能遺
清白才子馳聲特稱敏贍往從遷貶不詘姦邪遂使揚歷
官次滯遺年序宜旌絳郡之康式寵青宮之列可太子右
贊善大夫散官如故主者施行

授吳昇太子左贊善大夫制

蘇頌

黃門朝議大夫前守陝王府諮議叅軍上柱國吳昇悟理
明達用心微妙博以才藝精於談吐西園月上亟聞飛蓋
之篇東陸春歸宜聽鳴笳之響可守太子左贊善大夫散
官勲如故主者施行

授并暉太子贊善大夫等制 孫逖

勅主客員外郎并暉前代州長史元嘉福等或遊心淡泊
常有慕於幽人或從事劬勞頗知名於邊郡各循班列仍
度器能宜序東朝之列俾遷外藩之佐暉可守太子贊善
大夫嘉福可守戎州長史散官如故

授蕭誠太子左贊善大夫制 前人

勅朝議郎恒州司馬隨軍副使幽州節度驅使上柱國
繼魚袋蕭誠早標明敏久著聲名詞翰推工才能適用頃
從戎幕嘗募征夫宜遷翊贊之榮仍効撫綏之術可守太
子左贊善大夫依前幽州節度驅使仍專檢校官內諸軍
新召長遠往來健兒事

授常汭太子贊善大夫等制 前人

門下朝散大夫守忠王府諮議叅軍常汭等各有才器備
彰名實頃膺朝選久在王門儲貳作貞既承於新令慶賞
行惠必先於舊僚宜叶典章用增班秩可

授師良太子左贊善大夫制 常衮

勅朝議大夫前舒州別駕直中書師良久直禁垣叅典書
命既精文理尤達事經常遠其私亦過於慎夙夜有恪歲

時積勞顧班列而頗淹在朝章而可舉藩僚之選以序而

進一作遷可守太子左贊善大夫依前直中書散官勳封如

故

授王幹太子左贊善大夫制 前人

勅福建節度孔目官朝議郎試左金吾衛長史上柱國賜

緋魚袋王幹文林郎壽州錄事上柱國郭皎等貞以幹事

敏于在公掌戎門之條日精詳著稱董方州之財賦底慎

惟勤宜懋乃官以疇其効幹可試太子左贊善大夫餘如

故皎可朝議郎行鄂州武昌縣尉勳如故

授孫履暉太子左贊善大夫制 前人

勅渭毫節度知兵馬使銀青光祿大夫試殿中監孫朝俊

父朝議郎行原州司戶參軍上柱國孫履暉器溫黃中行

敦素尚勤於學藝守以謙光頃踐班資未申才用顧其胤

嗣積有勳勞宜列官寮俾光庭訓可試太子右贊善大夫

散官勳如故

太子洗馬

授竇元泰太子洗馬制 蘇頌

勅昭成皇后四從叔朝議郎行黃州司馬竇元泰觀津之

榮累稱外戚伏波之訓方裕後昆可勸導宗黨儀刑門族

俾登洗馬之秩罔忝濯龍之戒可太子洗馬員外置同正

官散官如故仍為長檢校本族子弟事

授李思詮太子洗馬等制

勅朝散郎守忠王友翰林供奉兼侍諸王等書李思詮等
官分望府名著周行咸以其長各施於用藩維樂善已陟
於元良僚屬延恩俾遷於列位可依前件

太子舍人

授蕭嵩太子舍人制

蘇頌

黃門朝請大夫殿中侍御史內供奉判尚書司勳員外郎
上柱國蕭嵩沈密有才清方不競即官御史已膺臺閣之
求端士正人宜副宮坊之選可行太子舍人散官勳如故
主者施行

授姚奕太子舍人制

前人

黃門中散大夫行鴻臚寺丞上柱國夏縣開國公姚奕
環禮輿祗若謙柄清白為事文章著名且升景倩之
拜當時之秩可行太子舍人散官勳封如故主者施行

授崔縝太子舍人制

前人

勅福建等州節度下都知館驛官朝散郎守大理司直賜緋
魚袋崔縝爰資藝文以飾吏事名叅使局効著郵亭速置
多方一作才急宜應命類能舉賢懋賞分官俾膺儲案之任
仍踐憲臣之列可試太子舍人兼監察御史餘如故

授崔宥太子舍人制

前人

勅殿中侍御史內供奉有早循學行累踐班資尤推吏道
之能克展官常之効頃持風憲滿洽聲猷眷求正入列彼
擢案宜應朝選式獎公才可守太子舍人

授紀千鈞太子舍人等制

勅奉議郎試太子左贊善大夫京兆府推官輕車都尉
向遊仙奉議郎前行宣州司戶參軍京兆推官上護軍
紀千鈞等各有藝能兼推吏幹通於文法檢以貞廉公勤
不偷課効斯著俾遷階秩之寵仍加章服之榮遊仙可朝
散大夫守義王府長史勳如故千鈞可太子通事舍人勳
官勳如故

中書制誥二十六
英華卷第四百四

英華卷第四百五

中書制誥二十六

王府

王師

授王績蔡約王師制

沈約

門下冠軍將軍司徒左長史始平縣五等男績華宗冠冑
器質詳和都官尚書約清源素範體業倫正訓茲蕃國
魚議攸在績可隨郡王師加散騎常侍男如故約可零陵
王師加給事中主者速施行

授柳冲兼温王師制

蘇頌

勅左散騎常侍兼脩國史上柱國平陽郡開國公柳冲族
茂汾鼎價琮垂璧雅負通才備聞遺訓探六經之奧如叩

鴻鍾窮百氏之源若披明鏡挾輿切問侍從增榮擁篲崇
儒師資佇德可兼溫王師

王傳

授楊廉陝王傳制

前人

門下利建子弟芳求師傅委之訓導必學疑方直銀青光
祿大夫前岐州刺史上柱國歸義縣開國子楊廉外示等
默言將發而寡辭內敷條理德不孤而應物故能遊藝
學脩官辨政臺閣盡清華之選吏人懷撫貸之餘儀刑是
稱叅議斯在當肄業於鄒衍俾賦詩於帝孟可陝王傳勳
封如故王者施行

授殷彥方王傳等制

孫述

門下忠散大夫守忠王府長史兼侍讀上柱國殷彥方等
朝廷雅望人物周才或聚學冲深或屬詞清遠頃膺授擇
皆侍藩維教導之功既聞於日就溫文之德遂涉於春儲
國有典章義存褒賞且進秩於高位俾升榮於近傳可依
前件

授張崇俊韓王傳制

常袞

勅朝散大夫前守彭王府諮議叅軍充內飛龍翬驅使賜
紫金魚袋張崇俊敏行資身良才適用列官朱邸早陪文
學之車從事玉臺久佐飛黃之阜疆力匪懈清心不渝忠
効見稱器能可錄王門傳道允籍純臣仍進榮階俾超彝
序可銀青光祿大夫韓王傳餘如故

授薛昌朝絳王傳制

元稹

勅薛昌朝等國有政職之要其一曰具員所以稽績用而
昇秩序也爾等典掌衆務勤歷一作勞歲時無畏一作瘵厥官
能舉其政擇才以佐諸邸選士以列東朝亦吾蘊崇本枝
之意也爾無易之可依前件

授太子賓客王牘等諸王傳制 薛廷珪

勅具官王牘等朕聞王者之子在襁褓中置二公以教訓
之由古道也我思成人已來邁此多難師訓之義茂一作
焉闕聞南面稱尊愧於寡昧由是言念諸子用疚厥心因
擇正人爲之傳導今丞相言爾牘等並老於文學雅有德
行明君臣父子之道知禮樂詩書之源可使高步承華入
春聖苑琢磨羽翼朕有冀焉或授正卿或加峻級宜旌優
異往傳童蒙邪蒿鮑魚勿俾登俎胄筵講肆爲惜分陰使
其知東平爲善之規喜王褒洞簫之賦承萬代之業固磐
石之基斯賴於老成人也可依前件

授郭保嗣德王傳依前通事舍人等制 前人

勅具官郭保嗣等資相法儀宣明號令序駕鸞之行綴整
珩珮之威容裁事申嚴罔不賴爾予聞舊制常俾兼官用
獎勤勞以示優假今保嗣等其勤至矣厥官罷焉宜舉彝
章許之序進矧大勲之後舊將之家尚鑒寐以求思豈淹
回之不恤兼八座以傳予愛子亞九卿而立我明庭勉揚
休聲茂對殊寵可

王府諮議

授郭元融寧王府諮議制 孫逖

勅典軍郭元融名列戎昭官升王邸頗經歲序克著勤勞
宜更文武之職俾在諮謀之任可朝議即守寧王府諮議
參軍

授李夷吾榮王府諮議制 前人

勅朝議即守青州司馬李夷吾門擅文儒才推幹理從事
惟謙在官必達貳于郡職已聞康海之謠官彼王門宜膺
背淮之選可守榮王府諮議參軍散官如故

授衛元珪蜀王府諮議制 常袞

勅攝郡牧都使判官朝議大夫行杞王友上柱國衛元珪
以勤勞爰從獎授紀官之號有犯聞名俾更他職式叶
彝典可守蜀王府諮議參軍餘如故

授王自勵原王府諮議制 元稹

勅王自勵左右禁旅非材力過人而忠厚謹信者不在壁
壘庫樓之地惟爾自勵備吾選中平蔡之師亦有功伐追
思舍爵之賞擢授曳裾之寮特示新恩且仍舊職可檢校
太子賓客兼原王府諮議參軍依前殿中侍御史如故

授郭皎冀王府諮議制 前人

勅郭皎材任瓜牙姻連肺腑領轅門之右廣假桂苑之元
寮夙著威名嘗頒勇爵元戎啓狀慶澤覃恩宜輟豹韜之
雄以資鴈沼之畫可行冀王府諮議參軍餘如故

重授李晟通事舍人王府諮議制 白居易

勅李晟昔管仲云升降揖讓進退閑習臣不如隰朋今之通事舍人近此選也而晟常中此選善於其職故相導通奏之節宣揚拜起之儀引之集作贊之不聞失禮既終喪絕宜服官常可使束帶曳裾為吾謁者可通事舍人

王友

授蕭仲預郢王友制

勅朝議郎行申王府文學攝贊善大夫兼殿中侍御史借緋魚袋上柱國蕭仲預風裁端莊器識純懿戎王築館禮盛和親漢使出關事優銜命更列曳裾之寵宜酬杖節之可守郢王友散官歎如故

授賀蘭忠肅郢王友制

前人

黃門正議大夫前檢校郢王友賀蘭忠肅緒業勲華藝能通敏頃陪賓友已光侍楚之名更復班資載允從梁之望可行郢王友散官如故王若施行

授王積薪慶王友制

孫逖

門下朝散大夫前行右領軍衛長史王積薪博藝多能精心敏識久從班秩頗著勤勞俾遷環衛之司宜在從車之列可慶王友餘如故

授盧光啓等遂王友制

薛廷珪

勅君子之風尚推秀木陽翟之俗必誦秦人古嘗病之今孰免者爾光啓洎贊皆以麗藻雅文獨行當代孤標清峙

見譽名臣丹青翰墨之林舟楫文章之海道之將至論者
許焉屬爾良知惟其貝錦惑予觀聽罷去鈞衡爾良知等
咸被指名置其連坐無辜去國吞恨投荒而聞流落五年
窮達一致書空永歎問鵬何之人寔有言用懷愧惠雷雨
作解日月無私今也其時吾將補過徵還朝列將復亨衢
階序徽章因仍舊貫光啓洎贊知予意焉可依

王府長史

授崔子源岐王府長史制

蘇頌

黃門朝散大夫守尚書駕部郎中崔子源地緒清茂風襟
亮拔有如繩之直懷匪石之心學不為人文能飾吏憲曹
白簡秋隼曾飛禮闈青縑晷就列卷于藩邸親則舅甥
仰端容宜膺寵命可檢校岐州府長史散官如故仍遣
赴京王者施行

授王守廉申王府長史制

前人

黃門朝議大夫守忠州剌史上騎都尉王守廉飾躬清苦
居心孝悌往操簡憲已著厥聲洎頒條寄克脩其政俾璿
筵之茂寵叅碣館之元寮可申王府長史散官勲如故王
者施行

授魏明彭王府長史制

前史

勅銀青光祿大夫使持節建州諸軍事行建州勅史鉅鹿
縣開國伯魏明才業可稱器能適用恪勤彰於事任綏緝
著於公方考績有成班資可進宜從使局之請俾踐藩寮

文苑英華 卷一百五十九
之職可行彭王府長史散官勳封如故

授薛昌族等王府長史制 元稹

勅建邦之王府置長史司馬以紀掾屬之秩序而稽其業也前寧州刺史薛昌族前泌州刺史烏重儒等皆勳代之子孫並良能之牧守朕河山在念肯忘獎勞藩邸求才實思高選昔阮孚以嘯詠自樂龐秀有忠烈可佳更任王宮咸稱國器今之榮授其在茲乎佇移汝理郡之方以助予維城之固昌族可行絳王府長史重儒可守冀王府司馬散官勳如故

王府司馬

授田幹之溫王府司馬制 蘇頌

門下正議大夫行尚書主爵郎中上柱國田幹之聿脩厥德孝稱於德行無玷斯言慎比於三復文儒每固其業清白用傳其範拜即仙署已題京兆之名為相龍藩式贊河間之羨可行溫王府司馬散官勳如故主者施行

授李友信蜀王府司馬制 常袞

勅正議大夫武秘書監前吉州刺史上柱國蕭縣開國男賜紫金魚袋李友信往以剖符閩徼頗守官常移鎮廬陵稍遷秩序而晦明生疾寒暑經時久淹海隅尋易藩寄使臣所鞠情實用彰宜降常資之授俾由順養之適可試蜀王府司馬散官勳封賜如故

授王承道等刺史王府司馬制 元稹

勅莒王府司馬王承迪恭王府諮議叅軍賜緋魚袋王承
慶等乃祖乃父有勞邦家而承迪等亦効忠於我伯仲叔
季罔漏恩榮或典方州或昇清貫惟恐未稱豈礙彝章兼
秩憲臺勉當優異承迪可守普州刺史承慶可莒王府司
馬兼侍御史賜如故

授康從固翼王府司馬制

杜牧

勅新授銀青光祿大夫檢校國子祭酒兼濮州長史殿中
侍御史上柱國康從固其父秀榮集作嶢實為名將李廣多
爭死之士寶嬰無入家之金一枚七關易如拾芥念爾跨
馬事敵執戈集作戎同仇壯比文鴛勇同李敢子之能仕父
教之忠古人之言信不虛設今者願留闕下以奉朝請念

其垂誨可見集作冊至誠哉裾憲寮用示恩寵宜思終始上

報君親可檢校國子祭酒兼翼王府司馬殿中侍御史散

官勲如故

文苑英華卷第四百五

文苑英華卷第四百六

中書制誥二十七

京府一

京兆尹

授宋璟兼京兆尹制

蘇頌

勅惟雍設都實難其理尹京鎮俗不易其才御史大夫上
 柱國廣平郡開國公宋璟天假直清時歸方正端莊以立
 姦慝遷於望風果斷而行網維成於不日衣冠所重人吏
 攸欽俾承彈糾之餘乃綜浩穰之劇可兼京兆尹餘如故

授蕭瑒京兆尹制

蘇頌

黃門九牧之重列為州伯四方之則求於京兆或匪其才
 莫膺茲任左散騎常侍上柱國東郡留守蕭瑒體峻而整

氣剛而直慎必兼清文能飾吏慈惠可以應務嚴明可以訓人故當權豪華心貴戚歛手三王迭拜况其甫嗣家聲二鮑相承未若累光朝獎休命斯允僉言所屬可京兆尹勲如故主者施行

授孟暉京兆尹制

常袞

門下天府惟雍神臯作京當四海之會同在三輔而尤劇漢以郡國二千石高第入守而較下稱之今因其制而選用亦陟明於辦理也正議大夫守汝州刺史兼御史中丞知本州營田上柱國平昌縣開國男賜紫金魚袋孟暉端一簡亮外寬內肅兼文行忠信之美達禮樂刑政之要在割能斷見事風生歷踐通列侶馮肝切剛直也然處正自守梁化行山東承大軍荆棘之餘當折骸易子之後苦心精慮夙夜思職淳鹵載作豈止十千之耦流人自占實踰八萬之數可謂大郡表率一時理平移鎮汝墳不易其操懋茲聲績堪委重煩京師化源庶尹之則承平無事統正猶難或多毀傷失名數月輟罷况寇難未靖邊備尚勞率西之師取洽畿內戎衣軍餉困竭閭閻姦人豪奪吏氣傷沮屢有申勅未懲其弊思得至公明斷之才曠然大變其俗是用命爾典司劇任勉脩先父之職以繼緇衣之好肅清權右扶養元元無俾趙張專美有漢可守京兆尹依前兼御史中丞仍充勾當神策軍糧及木炭等使散官勲封賜如故

授賈至京兆尹制

常袞

門下方外甫定惟新制度必於根本源流正之以丕式于
 十有三牧縣內之御萬邦所瞻將自中刑外致一其政化
 若獨任辦吏何以模楷故前代尹京多用經術之士翟方
 進雋不疑皆首叅此選稱於較下今亦因其制而進用也
 正議大夫行尚書兵部侍郎信都縣開國男賜紫金魚袋
 賈至高文典誥合於韶雅五經大義會於宗極識畧精技
 輔之以仁全節致命形於危難歷階要重澹然虛懷宗伯
 以和人神夏官以糾邦國久於叅貳多所發揮省理持綱
 亦既詳當朝有大議訪求所得於公卿大夫之間舉漢魏
 名臣之奏不失其政有補於時加以經務大才堪任煩劇
 艱虞一紀曠廢百度有司失職京邑尤甚頻有賑救差訛
 條緝一作會今京一作府九鄉率由舊典大變風俗以明朝綱統
 尹之重益難其任伏賢立政叅領南臺懋乃休績慎乃出
 令以懲強循以惠困窮舉能其官則理彌匪其人則敗端
 本靜未爾其誠之可守京兆尹兼御史大夫散官勳封賜
 如故

授京兆府尹魏少遊加御史大夫制 常袞

門下肅清風俗糾正朝廷必求譽諤之才式總綱紀之任
 金紫光祿大夫行京兆尹上柱國鉅鹿郡開國公魏少遊
 直方其行簡亮在躬有玉壺之清澄兼龍泉之斷割通變
 可以成庶務精密可以舉人倫中外累更風聲益振法無

所避姦不能欺貳職司徒實平邦教三尹京邑備洽人謔
不有兼官豈云重寄宜授趙堯之印俾雄張敞之職可檢
校御史大夫餘如故

授盧士玟權知京兆尹制 元稹

勅朕日出而御便殿召丞相已下計事而大京兆得在其
中非常吏也誠以為海內法式自京師始輦轂之下盜賊
為尤集作先尹正非人則賢不肖阿枉奏覆隔塞則上下不
通假以恩威用讐豪右朝散大夫守京兆尹知府事盧士
玟自居卽署執政者言其溫重不回守法專固副內史行
集無事物議歸之日者景陵將建龜筮有時予心怛然懼
不克濟爾嘗倅職應其供求和而不同儉而不隘竣於已

事朕甚嘉焉試命元僚亦既不撓今圓丘甫及慶澤將施
抄剽集作剽擿椎埋必有華生之者案牘卒吏亦當因緣
為姦公費則多而利不下究惟是數者爾司其憂為爾正
名無恡操剽可權知京兆尹餘如故

授李遜京兆尹制 白居易

勅近歲京兆長吏數遷誠不便時抑有其故或鈐鍵不謹
吏緣為姦或鈎鉅太煩人受其弊既非中道皆不得已而
罷之宜求恬智寬猛相濟者親諭斯旨使久於其職以息
書人浙江東道觀察處置等使兼御史大夫集作中丞李遜十
年以來連守四郡或紛擾之際或荒饉之餘威惠所加罔
不和輯賞其殊績擢在大藩自臨會稽一如舊政况省科

文苑英華 卷四百六
禁以便俗通津梁以息征動遵詔條深副朝旨江南列鎮
良師則多集課程功爾為稱首而內史之選久難其人今予
所求唯爾可使雖表率州部其委非輕然尹正京師所資
尤急宜輟材於浩穰竚觀政於輦轂望爾有成無替厥命
可依前件

授常正貫京兆尹制

勅權知京兆尹常正貫詩不云乎京邑翼翼四方是則故
趙張邊延馳名兩漢而不疑兼以儒學取重當時斯任也
吾豈易哉爾敷用政術列為殊科再昇文字之途一舉雲
霄之路近者拔於郡府以尹京師有抑強扶弱之心得通
變適時之用煦若春日肅如秋霜干將淬而投刃皆虛騏
驥馭而追風自遠重以郊天盛禮發號鴻恩訖事而物力
安舒設禁而寇攘帖息是用嘉乃成效寵之正名爾其奉
上思盡臨事思權轄健吏而惠窮人簡簿書而提綱目處
劇勿紊居閑勿遺俾推剽絕迹於九衢抱鼓息鳴於五夜
克揚顯績用繼前脩可

河南尹

授李傑河南尹制

蘇頌

黃門廼眷清洛嘗聞舊尹重臨黃霸欽若古人銀青光祿
大夫陝州刺史上柱國武威縣開國子李傑適務宏才徇
公清節以言博物貞固事幹當其奉所任壘厥心必欲存
於周密曾不顧於險夷可謂國之良吏朝之蓋臣宜廻陝

服之委更允河都之借可河南尹勳封如故依舊充水陸
轉運使主者施行

授畢構河南尹制

蘇頲

黃門洛陽設都海內均土自非選衆疇能尹宗或作京蒲州

刺史上柱國平陽郡開國公畢構純懿篤密直方清勁積

學所以體要道力文所以會雅正徇公滅私吏不犯法擒

姦擿伏人無間言在邦則聞從政何有六遂分職四方作

經思齊李膺之舉宜允表安之拜可河南尹勳封如故主

者施行

授崔隱甫河南尹制

孫逖

門下三川作都四方取則任能而理求舊為先銀青光祿

大夫守太子賓客上柱國崔隱甫冠冕碩人朝廷備量士

林之秀公望攸歸直而能溫寬以濟猛累踐臺閣備彰德

器輦轂之務風化所急鎮茲雅俗俟彼正人宜受任於兼

官俾重臨於故府可兼河南尹餘如故

授崔希逸河南尹制

孫逖

門下制天秩者必在於賞功尹王都者是先於舉德朝散

大夫守左散騎常侍持節河西節度經畧支度營田九姓

長行轉運等副大使知節度使判涼州事赤水軍使上護

軍攝御史中丞賜紫金魚袋崔希逸深識宏才清操雅致

明無不達懸朗鑑於曾懷斷則有餘錯盤根於掌握頃膺

邦選爰委兵權能行上將之謀畧獻西師之捷寵其命服

俾叶於疇庸鎮彼神州更期於表則可銀青光祿大夫河南尹勲如故

授裴寬河南尹等制

孫逖

門下風雨所交是稱中土山河之寶斯為近服有能俾乂其在迺遷中大夫使持節蒲州諸軍事蒲州刺史上柱國裴寬高朗多才懷必割之良器銀青光祿大夫使持節絳州諸軍事絳州刺史上柱國翼城縣開國伯裴伯先貞肅守道秉不凋之勁節或累拜清秩或頻更劇務三汾作屏各著聲謠八使觀風咸推課最類如能而使僉議攸歸宜受任於洛都更移官於蒲坂寬可也河南尹伯先可使持節蒲州諸軍事蒲州刺史散官勲各如故

授張延賞河南尹制

常袞

門下域彼四海尹茲東郊分其三川式是中憲加以舟車之會轉輸之殷參貳保釐責成播殖物此庶務屬於廉才銀青光祿大夫行中書舍人上柱國河東郡開國公張延賞相府餘慶儒門濟美德行文學脩身於四科忠肅恭懿齊名於八族綽有純性澹然素懷凡所歷職必聞異政推之以誠信明恕守之以廉能簡約既精練於典常亦陶融於理本故左曹之駁所為平當南臺之綱斯焉振舉自參紫垣之列頗擅黃纁之妙然以素更中外可任煩劇河洛凋殘其來自久迭用良吏庶康疲人典領之重眷求無易勞徠安集往哉汝諧可檢校河南尹兼御史中丞克東都

副留守河南水陸轉運使仍充諸道營田副使專知都畿營田事散官勲封如故

授李勉河南尹制

勅四方取則千里分圻寔惟卜洛之都咨爾尹京之任御史中丞東都畿內觀察使李勉才茂宗枝名推公器風標自肅操履愈高智畧可仗於安危忠貞克同於休戚親賢是賴中外必聞屬肆觀觀風三川展義來蘇望積颯劇才難實資模楷之良共緝保釐之政可守河南尹兼御史中丞勲封如故

授崔倭河南尹制

白居易

勅河洛千里邦畿在焉俾之又安屬在尹正鳳翔隴州節度觀察處置等使正議大夫檢校禮部尚書兼鳳翔尹御史大夫上柱國安平縣開國男食邑三百戶賜紫金魚袋崔倭有精敏之用絜直之操施干集作於有政由是知名始資州縣之勞卒致公卿之位况刺部有理行在計無愆違尹右輔而鎮西郊蓋獎能報勤之旨也昔吳公為河南守謹身蕪平人服教化袁安為河南尹政令清肅號為嚴明誰其嗣之無易倭者往為士集作表則勿替能名可檢校禮部尚書兼河南尹散官勲封賜如故

授孟容河南尹兼常侍制

白居易

勅昔吳公袁安為河南尹守皆能以蕪平清肅較吏教人孰能繼之我有良吏具官許孟容才志甚大言論甚高在

臺閣間藹然公望管尹京邑觀其器用臨事能守當官敢
言不吐剛以茹柔不附上以急下政無煩碎甚合衆心及
是轉遷頗有遺愛河洛千里都畿在焉凡所選任必歸望
實考言詢事非爾而誰不忘舊政可立新績仍以騎省申
而寵之

京府少尹

授秦守一京兆少尹制

蘇頌

黃門正議大夫行萬年縣令上柱國南安縣開國公秦守
一敏而無滯通則有才刻意深尚於政方立言每求於學
術委之京劇時許能聲眷彼州端朝推令問俾升遷於墨
綬佇明察於赭裾可行京兆少尹散官勳封如故主者

授白知慎河南少尹制

蘇頌

黃門正議大夫檢校將作少匠上柱國白知慎博觀墳史
祇奉程式吏道尤精公心不轉即官起草增其應宿之華
匠者運斤主其乘風之妙任能結約一作課省費馳聲爰瞻
上洛之都宜亞尹河之寵可行河南少尹散官勳封如故
主者施行

授路嗣恭京兆少尹制

常袞

勅中散大夫守太子左庶子兼御史中丞克關內副元帥
判官路嗣恭蘊其才畧資以幹能中外累更改聲尤異龍
樓諭善載實春華爲府持綱克平霜憲三王佐理九扈邵

農宜升亞尹之秩兼資大田之務可兼京兆少尹

授黎幹京兆少尹制 前人

勅朝散大夫前守諫議大夫兼侍御史內供奉賜紫金魚

袋黎幹經遠良圖弘通敏識典墳聚學風雅成文操守甚

貞行歸於正早登近掖見重中朝俊德用彰嘉言罔伏頃

有歸閑之志益存難進之誠亞彼尹京眷求公器宜膺獎

命俾展多方疑作才可京兆少尹散官勲封如故

授張平叔京兆少尹兼知府事制 白居易

勅商州刺史張平叔為人謙直為政簡惠前後歷府掾邑

宰郡守而去思來暮之謠繼聞於人聽焉及副鹽鐵官刺

商維部會課報政亦甲於他官自貞元以來用三科取士

兼詳明政術可以理人之詔而得其名有其實者幾何人

哉平叔居其一也能効若是何用不臧故事內史缺未補

問亞尹得行大京兆事或假印綬試可而即真者徃徃有

之故其選任日益難重爾宜稱所舉慎厥職無墮大以勤

小無急弱以緩強又念朝行遵吾約束可京兆尹知府事

授左司諫中鄭凝京兆少尹前龍州刺史常貽範

右一作左司郎中制 錢珣

勅具官凝吉承執政之門知循法之道升在郎署不忘公

家多稱抱材儒一作林足以集事今京師尹正之大藩后兼之

甚理矣貳茲善政期爾必能舉而任之無逸吾命貽範精

明不匱弘博可觀聿佐鉅賢愈脩茂行敏求所至通籍必

華遠牧罷民朝皆思用都曹即總率之職次管轄焉吾今
舉典用人孰云匪重來居斯秩無効淺為官或有聞何求
不達可依前件

次府少尹

授陸操太原少尹制

孫逖

門下守洛陽縣令陸操才膺利用官歷清資當斷不疑在
公必濟京兆之亞夫官之劇既馳名於洛邑宜佐理於汾
州可守太原少尹散官如故

授賈耽太原少尹制

常袞

勅朝散大夫殿中侍御史內供奉克河南度支判官上柱
國賜緋魚袋賈耽燕趙環竒士之儒雅才貞循良秉懿冲
用經遠若安遠之上策作分間之中權行達理體精詳法
度論兵契要先務於止戈饋運惟難且聞於足食累書嘉
績備洽令猷素推兼濟之能允叶至公之舉固可以貳其
尹正副我保釐俾參臺閣之寵仍賜綵章之命可檢校尚
書膳部員外郎兼太原少尹侍御史克北都副留守河東
度支副使仍賜紫金魚袋散官勳如故

授張增鳳翔少尹制

常袞

勅朝議大夫守鳳翔府天興縣令張增平簡以清心直方
以慎行積於政理擅於文詞字人晉陽大變風俗更秩陵
邑不阿貴強迭居右輔其政如一屬府兼戎號歲聚軍儲
允濟率西之師且無大東之刺賞以勸善官惟任能貳我

潘畿仍叅邦憲可守鳳翔少尹兼侍御史散官如故

授楊巨源郭同玄河中興元少尹制 元稹

勅具官楊巨源詩律鏗金詞鋒切王相如有凌雲之勢陶

潛多把菊之情朝請即前守華陰縣令郭同玄文戰得名

吏途稱最劉超推出納之善王渙著抑挫之名皆用已長

各居官守因其蒲秩議以序遷稽其器局之良宜叅尹正

之亞巨源可守河中少尹同玄可權知興元少尹

授孟存成都少尹制 白居易

勅孟存嘗叅極集作務亦牧疲人咸有能名得於主帥三

蜀征鎮屯于成都雖有忠賢委為尹正至于集作贊脩庶

務通統諸曹承而貳之實咨且理勉勸厥職無累所知可

位前件

文苑英華卷第四百六

文苑英華 卷第四百六

文苑英華卷第四百七

中書制誥二十八

京府二

萬年縣尹

授秦守一萬年縣令制

蘇頌

黃門楚州刺史上柱國南安縣開國公秦守一才稱幹理
迹遊文藝敏而當劇明以燭姦星闈副於求即河東美其
為宰事般輦轂時佇絃歌既揚百里之風更緝萬年之政
可通議大夫行萬年縣令勳封如故主者施行

授鄭巖萬年縣令制

孫逖

門下中大夫行尚書刑部郎中上柱國鄭巖形神俊秀理
識通明標幹術於公方飾文詞於吏道累登華省嘗典劇

曹宜遷取則之色更展撥煩之用可行京兆府萬年縣令

授唐慶萬年縣令制

元稹

勅朝議郎守尚書比部郎中賜緋魚袋唐慶輦轂之下豪

黠僂輕擾之則獄市不容緩之則囊橐相聚是以前代惟

京令得與御史丞分進道路以其捕逐之急也執事言爾

慶頃摧束池鹵生息倍稱布露飴散見周禮於羅落之

間而盜賊終不敢進集作推是為理真吾所求之劇令也

無或畏避以艱憚嫠可守萬年縣令餘如故

授孔戢萬年縣令制

白居易

勅京邑令缺多擇尚書郎有才理者補之兵部員外郎孔

戢自御史府遷夏官之屬凡所蒞職一心奉公在郎署則

稱有名實加以文學綠飾吏能俾宰京劇佇有成效可萬

年縣令

長安縣令

授鄭仙客長安縣令制

李嶠

勅朝散大夫行鼎州長史鄭仙客識量淹通理懷沉正攝

官無怠歷職有聲三輔名畿五方雜俗求人之瘼惟帝所

難宜遷題坐之風俾試鳴絃之化可檢校長安縣令散官

如故

授趙昇卿長安縣令制

蘇頌

勅朝議郎守尚書戶部郎中上柱國趙昇卿識融而遠心

密而堅行副其才文叅於吏遊刃之美盡中桑林含香之

能獨推蘭握市朝所令輦轂惟溱宜拜神京之宰用懲使
疑作窟之姦可守長安縣令散官勲封如故

授徐演長安縣令等制

常衮

勅朝議即行尚書工部員外郎賜緋魚袋常衮朝奉郎行
尚書倉部員外郎上柱國賜緋魚袋徐演等器行純備文
以彰之充通政體必本經術直道以進當官而行執憲字
人早揚厥職自叅俊茂之選各舉彌綸之要遵我風化始
於京兆一作素稱雄劇今則倉廩空虛戎車未寧兵食屢
調稅有陪征之重用過經費之數公私抗一作弊人戶離
邊雖難理之任又屬艱虞而制事之宜亦有工拙苟或負
介純白端誠奉公恭敬以仁明察以斷不虐鰥寡不阿貴
以茲撫馭庶有蘇息擇才而授政豈遠哉俾爾化神臯
之俗分司隸之路考其能否當有遷黜勉思誠勅以副憂
勤單可守萬年縣令散官勲賜如故演可守長安縣令散
官勲賜亦如故

授楊魯士長安縣令等制

崔嘏

勅兵部郎中楊魯士等朕方以親人之任重其守宰欲使
中外迭處周旋可觀至今於尚書省御史府以時序遷者
亦皆推於公議復中念孔門以政事文學列為四科而魯
士等各擅其能久而益勵付之劇縣分以名曹必能展剖
繁枿滯之才副題柱含香之美且有後命爾其敬哉

授前左司員外郎趙均長安縣令制 錢珣

勅具官某慎行於家能養其親也慎言於朝能保其身也
士大夫有是二者列于周行善用恬和且聞淹恤循於常
典安可滯遷屬京縣寓理之難度材云急流亡未復賦歛
猶虛以爾所慎之多必當克集其事錫茲銀印耀彼綵衣
承寵而將慶問安思報而勉圖為政可依前件

河南縣令

授鄭璿河南縣令制

蘇頌

黃門正議大夫行尚書職方郎中上柱國鄭璿士門雅望
名教是先吏道通才聲塵自遠高邕帝宅周漢王都宜廻
起草之能佇息鳴桴之聽可知河南縣令散官勲如故主
者施行

授何士乂河南縣令制

白居易

勅漢朝郎官出宰百里故集有京邑今缺多命尚書郎補
焉朝議郎行尚書水府員外郎何士乂慎檢集作和易介
然有常守而勿失可使從政然能佩弦以自導帶星以自
勤則緩急勞逸之間必使適宜而會理矣以爾思退故吾
進之可守河南縣令散官勲如故

授盧攸河南縣令等制

崔嘏

勅前知嘉興監盧攸前知湖南院常宙等國朝之制自外
府正郎至于郡丞半刺不由會府之所選授者中外臣僚
歲終得以聞焉而有司鍛鍊其簿籍參校其資級夏五月
各以其名來上惟爾攸等或以文學再登科第或以才人

早居賓幕或以利用累司權筦之繁或以薦延久佐州邦
之理嘉乃成績俾其叙遷至於赤縣銅印之榮三川綱轄
之任皆吾之慎選也爾其勉之

洛陽縣令

授崔隱甫洛陽縣令制

蘇頌

黃門正議大夫行汾州長史崔隱甫抗迹清循在公明察
素稟才識早聞簡練故以正而不撓和而不同迺眷有洛
是稱中土百里居官四方作則宜副曹摠之選俾旌王渙
之能可檢校洛陽縣令散官如故主者施行

授徐鏐洛陽縣令制

孫逖

門下司封郎中徐鏐繼文儒才優斷割明而不滯幹則
有成五等是司已傳名於臺妙四方之會宜展用於京劇
可河南府洛陽縣令

授楊晉洛陽縣令制

常袞

勅朝議郎守尚書金部郎中楊晉性方行純識敏才達本
以經術通於理體和而中禮善不近名仙署徊翔士林推
重字人京邑多選臺即風雨所會俾分洛師之劇桴鼓不
鳴佇繼董宣之政司守洛陽縣令仍賜緋魚袋散官如故

授崔咸洛陽縣令制

白居易

勅度支員外郎崔咸漢以四科辟士求多略不惑強明斷
决者任三黜故今四京令缺亦擇尚書郎有才理者補
之而咸在郎中推為利用加以詞學緣飾吏能操割洛

陽必有餘刃集作則宰大邑如烹小鮮人擾則疲魚撓擾餒寬猛吐茹益于茲可洛陽縣令

西營縣令

授元欽裕櫟陽縣令制

蘇頌

門下正議大夫行雍州藍田縣令元欽裕從政美才幹時良具山稱多玉已鳴於屬城地是甬金將候蹕於馳道使助王訢之辯宜符尹賞之遷可行雍州櫟陽縣令散官如故

授常光業高陵縣令制

前人

勅朝議郎行岐州陳倉縣令常光業効官敏濟臨事明察嘉其墨綬聲以淡疑於雞祠見漢郊祀志遷以黃圖政佇成於庶如見唐地理志可京兆府高陵縣令

授樊象藍田縣令制

孫逖

門下行京兆府司錄參軍樊象發跡詞場馳名吏職克勤於位皆著其能掾彼神州既彰人譽宰于近縣伴叶時湏可京兆府藍田縣令

授柳子華昭應縣令制

常衮

勅朝議郎前守池州刺史上柱國賜緋魚袋柳子華藻飾以文周通於筆剛勝正色奉法無私臨難而忠義侃然處煩而典禮不易頃者守春秋鵠岸之地介東南牛渚之險既明且察一作盜賊不敢欺大姓悅從伏戎一作伏賊散落政殊績異風俗一清地維神臯秩視京縣國朝舊制亦以刺郡

入補副守襄陽憲此疲人可守京兆府昭應縣令散官勳
賜如故

授東臺令吉旻西畿令制 元稹

勅前河南府封縣令吉旻邦畿之宰任得其人蓋有以
又我黎庶足以張吾京師也自輦轂在鎬灑洛務輕長令
之善康東人者往往移隸內史今京兆尹季同以旻有幹
蠱之稱流聞于西遂陳換縣之求無替字人之術可守京
兆尹渭南縣令

授裴寰奉先縣令制 前人

勅裴寰等尹正務重自掾屬已下至于邦畿之長往往選
署以聞從而可之亦委任責成之義也以爾等或理某
最或保任稱能將委劇曹亦專近邑各懋乃職用酬爾知
可依前件

授常珩等西畿令制 前人

勅河陽節度參議兼監察御史常珩前懷州武德令李鄂
等昔先王肯災肆赦則殊死以降無不宥免而受財集作

枉法者常罪集作罪之以此防吏吏猶有豪奪於人者朕
甚憫焉日者覃懷有過籍之賦使吾百姓無聊生於下非
珩等為吾發覺則吾終不得聞東人之疾苦矣今美原藍
田皆吾甸內之邑爾其為吾養理生息以惠困窮使天下
長人之吏知朕集有用廉激貪之意焉珩可守美原令鄂
可藍田令

授李寘咸陽縣令制

白居易

勅某官李寘近者西戎集作夷犯塞詔諸將出師司計臣俊言寘有應辦才可司饋餉故自京府掾假臺郎憲職以命之屬寇遁師旋未展其用况在公族推有器幹今授銅印俾宰咸陽夫庶官之理同歸撫字之任為急西郊咫尺行爾能聳可京兆府咸陽縣令

授徐登醴泉縣令制

前人

勅徐登京兆尹言登前為涇陽令清廉簡直奉法愛人請補醴泉再考其績昔子路理蒲仲尼誨曰愛而恕可以容困溫而斷可以抑姦今醴泉人與蒲相類宜用此道往訓養之歲時之間期於報政可醴泉縣令

授李友文興平縣令制

崔嘏

勅前鄂州觀察使殿中供奉李友文等畿甸之內百役是

授蔣邕濟源縣令制

前人

勅夫任事之官親於人者莫切於令長也非其才則百里告病得其人則元元獲安况授其臣在乎所舉獻狀推允用觀爾能邕可河南府濟源縣令餘如故

授王沂永寧縣令范傳規安邑縣令制 元稹

勅前汴宋毫穎等州觀察推官殿中侍御史內供奉賜緋魚袋王沂前宣武軍節度推官監察御史裏行范傳規等

規可守陝州安邑縣令餘如故

授元壽陸渾縣令制

崔巖

勅右補闕元壽縣令說人之任在昔為難况我何念疲

困素懃中寧無訛雜茲為善如何前以諫垣俾足才

賢既贈實多文被器詣聖其良固匪聖人矣曷之未

嘗以文計甄甄抹各取士一五華資詰非素志一旦自

修其官其士大夫不誦聖其良而拾聖欲入未之肯也

文苑英華卷第四百八

中書制誥二十九

諸使一

觀察使

授路嗣恭洪州觀察使制

常衮

勅朕以守將之重兼文武之寄休否得失實繫於茲至于

海隅爰及鰥寡每以康齊為念終夜永懷所以方面久缺

難於授任今大張藩政高選公卿銀青光祿大夫檢校戶

部尚書知省事上柱國陳留縣開國公路嗣恭以仁義成

準以清公致用練法脩制可以宣明紀綱好謀全節可以

協定危難素精吏事連辟宰府一有歷位忠恪始終秉彝

城彼朔方靖我疆土早貳六官之秩再分五曹之座議刑

必中敷教亦寬休望華資積於久次大江之外封略曠遠
用達憂勤之旨屬於親重之臣授以藩符建茲戎旆仍委
廉課俾揚風聲夫潔其流者清其源正其末者端其本奉
爾所守敬無廢命可使持節都督洪州刺史充江南西道
都團練觀察處置等使檢校戶部尚書及散官勳封如故

授崔灌

舊唐書
作灌

湖南觀察使制

前人

勅刺史案部外廉數州遵俗宣風所繫尤重今海內甫定
方澄化源綱理羣縣大明黜陟安人之寄歷選惟難必二
千石職連一作連職者處之朗然明觀以訓天下銀青光祿大

夫前澧州刺史蕪侍御史上柱國義豐縣開國男崔灌嘗
守江潭有清靜簡易之化勤儉約已精誠感物小大之政
必窮本於人情參以事典出言而信出令而從獄訟衰止
流庸還定息貪官之豪奪懲大姓之雄強歲無札瘥俗致
康乂及澧陽移鎮一其教理故郡黎庶靡然隨之望風欣
然如得父母可謂明恕慈惠吏人之師也况本之以經術
濟之以忠敬更於臺閣練達朝章而識略沉達可以專方
面之任自湘之東制以連率委之監郡蕪亦訓戎彼都之
人夙所愛慕叅領中憲以綏一方可使持節都督潭州諸
軍事潭州刺史蕪御史中丞充湖南都團練守捉及觀察
處置等使仍蕪充諸道營田副使知本道營田事散官勳
封如故

授李栖筠浙西觀察使制

前人

勅王制千里之外設方伯選諸侯賢者而命之俾其遵俗
宣風大明黜陟今以刺史條察列郡西漢成式厥惟舊哉
銀青光祿大夫常州刺史充本州團練守捉使上柱國贊
皇縣開國子李栖筠資朴厚之性秉禮義之宗其學博而
精其文簡而當明以辨政居官可紀秩更三署名重一時
抗黃扉之論駁舉冬卿之典制自守毗陵尤精藩職初剪
橫江之盜猶多擊析之虞言撫傷殘克施惠訓清靜少欲
以臨其人禮讓之風行於東國考其績用實最方州震澤
之比三吳之會有鹽井銅山有豪門大賈利之所聚姦之
所生資於大才濟我難理加以中憲雄茲按部慎乃教令
薄其征徭無倚法作威無割下附上勉副朝寄以綏一方
可使持節蘇州諸軍事蘇州刺史御史中丞充浙西西道
觀察使處置都團練守捉及本道營田等使散官勳封如
故

加江西魏少遊刑部尚書制

前人

勅古者外薄四海咸逮五長所以考察風俗懋宣理化苟
或副憂人之旨有稱職之名彰善陟明存乎著令金紫光
祿大夫使持節都督洪州諸軍事行洪州刺史兼御史大
夫充江南西道都團練守捉觀察處置等使上柱國鉅鹿
郡開國公魏少遊端慤精敏沉和貞簡秉心以直臨事不回
五踐天臺必辨疑而取正三尹京邑不吐剛而茹柔守其
至公休有令問自十連分寄九江作牧式是方隅不渝操

履停車決訟閉閣生風明示昇黜蠲除疾苦清靜而百城
自一作化講藝而三軍知禮定其賦稅之差勤於轉輸之
役事必條理人皆便安亦既政成不資於周月遷其秩序
豈待於滿歲宜分會府之坐載美方州之績可檢校刑部
尚書洪州刺史御史大夫餘如故

加朱希彩幽州管內觀察使制 前人

勅古以五長八使考察風俗章善瘳惡時而颺之則監部
廉部其理也今之元戎有聲績優異者錫命兼領亦進律
之制焉而又實其封邑蓋申之以明勸開府儀同三司試
太常卿兼幽州大都督府長史御史大夫持節充幽州節
度兼管田等副大使知節度事經略軍使兼盧龍節度并
管內支度管田及押奚契丹兩蕃等使上柱國朱希彩貞
方以合義純厚以納忠智謀濬發才識精辨作我垣翰保
于幽燕講求刑禮以參軍政敦洽敬讓以和人心正其綱條
郡務大舉東罷渡遼之警北清戴斗之氣疆吏緩帶戎車
稅鞅典從事簡方面以寧厥賦惟錯實於天府選勞則大
銘在旂常勤職首公有光相寄委以連率加其真食懋乃
勲節服茲寵章可兼充管內觀察處置使仍賜實封一百
戶餘並如故

授辛京杲湖南觀察使制 前人

勅觀察列郡之風督諸軍之事兼茲二柄守分一方其在
素名俾之專任開府儀同三司試太常卿兼御史中丞同

朔方節度副使上柱國晉昌郡王辛京杲居敬可久盡忠
必誠精辨郡務通於典試謙恭下士齊其勞苦先帝簡拔
五原從征嘗參領護早著勲節藩麾佐朕夷險一心關洛
事平莫非謀勝累書忠於甲令終不言於賞勞尋掌南北
之軍復二河汾之鎮內外勤績厥惟茂哉憂國奉公每形
于色牧人馭衆素有其才長沙故郡湘中千里徃建南韓
之旆仍領司空之秩訓戎遵俗寵以居之可使持節都督
潭州諸軍事行潭州刺史兼御史大夫充湖南都團練守
捉及觀察處置使仍賜散官勲封如故

授衛中行陝州觀察使制

元稹集

勳邵伯聽事於崇陰之下而人勿翦其樹我知之非忠信
仁愛以得之耶今自關東由洛而右數百里之地盡置爲
輶車臣所理蓋有以表率方夏振皇京律聿求其良用副
憂寄朝請大夫守華州刺史兼御史中丞衛中行始以詞
賦深美軒然有名甲乙符昇遂拾青紫逮其書命文鋒益
銛能搦菁華以集麗則出補近郡號爲廉能勤而不煩簡
而不苟郊迓館殺賓至如歸長劭農人咸用晉悅移領巨
鎮疇將爾先况封壤因連冒俗參合用之政又關陝之毗
吾固有虞於爾矣至於觀聽他邑儀刑下寮旁臨傳說之
巖特假趙堯之印遺風未泯官業具存苟能行之無患不
至可守陝州大都督府長史兼御史大夫充陝虢等州都
防禦觀察處置等使

授嚴暮桂管觀察使制

白居易

勅漢置剖刺史掌奉詔條紕吏理蓋今觀察使職耳桂林秦郡也東控海嶺右扼蠻荒自隋迄今不改戎府地遠則權重俗殊則理難馴而化之非才不可朝議大夫前守秘書監驍騎尉賜紫金魚袋嚴暮嘗守商洛刺黔巫州部縣道謚然安理是能用法寬猛相濟之政撫夷夏雜居之人故也跡其往効式在集作是南邦况爾操行端和文學精茂賓寺書府善於其官勉副前言佇申後命可使持節都督桂州諸軍事守桂州刺史兼御史中丞桂州本管都防禦觀察使處置使散官勳賜如故

授丁公著可檢校左散騎常侍守越州刺史充浙東觀察使制

前人

勅古者通守之士集作選守守土刺史按部從宜務簡今則合之故任日崇而選日重非廉平簡直兼愷悌之德者曾不足中吾選焉尚書工部侍郎集賢殿學士丁公著常集作嘗以學行以集無以字禮法誨予一人報德圖勞連加寵擢起曹書殿兼而委之二職增修三命益敬朕以瀕河之左抵于海隅全越與區延袤千里宜得良帥俾之澄清往分吾憂無出爾右假左貂而帖中憲操郡印而握兵符勉哉是行佇聞報政可依前件

授盧士攻瀛州觀察使制

前人

勅夫疆理天下懷集作懷制四方乘時省置何常之有故方

隅未寧務先經略則專委方伯以撫統之及兵革甫定思
弘風化則並命連帥以分理之朕常以幽薊一方環封千
里延袤廣莫專制實難屬元戎改轅新帥進律因而制置
以叶便宜蓋王者施張變通之要也京兆尹盧士攻爲人
端和蒞政寬簡自尹京輦人甚便安今司徒總籍甚爾名
叶從人望河間列郡乞委士攻因而可之必易爲理况
造之府經始之政勞徠安輯是爾所能俾昇珥貂集作珥
兼執中憲寵任不細勉哉是行可使持節瀛莫等州管内
觀察處置等使檢校左散騎常侍兼御史中丞餘如故

授范傳正宣歙觀察使制

前人

勅古之諸侯三載考績選其賢者命爲長率所以觀集作勸

功行而興理化也蘇州刺史范傳正文學政事二美具焉

選自郎署出分符竹江南列郡連領者參所至之部悉心

爲理明諭朝旨恭守詔條謹身省事以臨其下政簡而肅

意誠而明吏不能欺人是以息而去思之歎來暮之謠復

有聞於人聽雖古循吏茂以加之朕以陵陽與壤土廣人

庶其地險要集作有險所寄非輕跡其前効可當此選况黜歛

之遺愛尚在吳興之新政方播升車便道足慰人心固當

望風自安計日而理倚注於是爾往欽哉可集作倚注於爾

授裴堪江西觀察使制

前人

勅江西七郡列邑數十土沃人衆今之輿區財賦孔殷國
用所繫茲爲重寄宜付長才同州刺史裴堪素蓄器幹久

經任遇日者資其忠諒入為諫議大夫藉其良能出為左
馮翊曾未周歲政立績成區區一郡未盡其用鍾陵要鎮
可以委之夫簡其條章平其賦役徇公率正以臨其人而
人不安未之有也祇服厥命往修乃官仍兼中憲以示優
寵可江西觀察使兼御史中丞

授薛伾郾坊觀察使制

前人

勅郾時延安抵于中部羌夷種落散在其間戎夏雜居易
擾難理宜選寬明之使通知邊事者委以節制集作符節而紓
綏之右金吾將軍薛伾服勤戎職練達吏道出入中外綿
歷歲年能一乃心以宣其力自加寵遇再執金吾徼巡有
嚴夙夜匪懈在公若是何用不臧况為人沉靜外和內肅
守封案俗是其所能集本作內肅外和按宜俗守封是其所善輟務於誰何懼
宣風於廉察庶乎勞徕諸部綱紀列城奉詔條以安人叅
戎索以訓旅欽承厥命往復乃官仍踐冬卿式光重寄可
檢校工部尚書充郾坊等州觀察使

授李納浙東觀察使兼御史大夫制 杜牧

勅仲尼以舉賢才則理大禹以能官人則安况西界潮河
東奄左海機杼耕稼提封七州其間繭稅魚鹽衣食半天
下不有可伏豈宜委之正議大夫使持節華州諸軍事守
華州刺史兼御史中丞充潼關防禦鎮國軍等使上柱國
隴西縣開國男食邑三百戶賜紫金魚袋李納温良恭儉
齊莊中正實以君子之德華以才士集作人之詞踐集作歷

清顯昭彰令聞較自掌言式是近輔子貢爲清廟之器仲
弓有南面之才智莫能欺剛亦不吐表率教化皆有法度
今者兵爲農器革作軒車言於共理在擇循更是故用已
効之績託分寄之任擁精旆而服玄玉化千里而有三軍
儒者之榮莫過於此孔子曰仁者愛人智者知人愛人則
疲羸可蘇知人則才幹不棄土宇旣廣殺生在我達此二
者可以報政榮加副相用歷大邦爾其勉之無忝所舉可
使持節都督越州諸軍事守越州刺史兼御史大夫充浙
江東道都團練觀察處置等使散官勲封賜如故

授紇下泉江西觀察使制

崔暉

勅鍾陵奧區楚澤全壤控帶七郡襟連五湖人推征賦
饒俗擅魚鹽之利靜則易理動則難安思得良能以臻富
庶選求之下是舉僉諧中書舍人紇下泉氣惟雅茂才實
變通黃鍾涵待扣之音青萍蓄善割之用早以俊造播其
馨香霜臺竦介立之標蘭省蔚和光之操泊司綸紵益茂
聲猷粉澤惟工克贊鳳池之美溫華自潤皆推鴻筆之資
蘊商也之文可以華國布求也之政可以觀風是用較於
演綸付之廉間必能宣我大化蘇其遠人佇聞來暮之謠
必有借畱之思爾其簡以臨衆清而自持惠養益厚於疲
羸操斷無遺於桀驚一方之任不愧於前賢五字之精永
光於禁掖仍加中憲式峻外臺可

授鄭亞桂府觀察使制

前人

勅地連五嶺川東三江直千里之奧區雜夷風之阜壤靜
則可理動而難安思得長才以綏裔俗求於僉論多曰汝
諧給事中鄭亞識洞古今情惟端愿富三冬之精學控六
變之雄文早昇甲乙之科雅有詞華之譽周旋粉署堂堂
表題柱之榮糾正霜臺肅肅有埋輪之志人推長者時許
多能洎入贊黃樞超居青瑣彌縫闕漏衮職以之無遺參
酌憲章國典由其益振朕方弘理道志切惠人精求廉問
之才用廣移風之化爾宜將我誠意布其惠和撫俗必務
於廉奉已宜思於簡儉無以地遠而忽其薄書無以官
尊而怠於統馭將期富庶必在嚴明承我寵榮勉思報効

文苑英華卷第四百八

中書制誥三十

諸使二

防禦使

授韓洪山南東道防禦使等制 賈至

勅襄陽太守韓洪左補闕韓絃等令德之後象賢而立克
光代業不墜家聲或謀府冲深才膺鎮禦或文律典麗詞
叶絲綸今寇雪未清邦家多事用武之地宜徵奇傑掌翰
之職故一作擇英髦洪可山南東道防禦使絃可考功員
外郎知制誥

授竇紹山南東道防禦使等制 前人

門下丞王傳竇紹侍御史崔伯陽等強學立名檢身從政

實有忠貞之操仍兼鎮禦之才荆州上遊襄陽衝要北據漢沔利盡南海連綴吳蜀非才勿居永思諸葛之謀佇振祖生之任紹可江陵防禦使伯陽可襄陽防禦使餘並如故

授李廣察江南防禦使制

前人

勅前蜀郡長史李廣察閑雅存誠貞因幹事或因勞累往從遷謫凶逆未翦江介多虞式遏寇戎是仗才傑建康巨鎮長洲右苑使臣之選咸曰其難勗乃謀猷佐斯旄鉞可守丹陽太守

授魯冕襄陽郡防禦使制

前人

勅成允成功者才也確乎不拔者節也惟才與節可以戮禍亂定邦家南陽太守魯冕忠肅懿文仁而能武歷危難

之際見貞固之誠自翰守南陽載推襄暑城孤師寡負六以汲虜不得進江漢賴寧古之忠賢無以加也夫功崇者則授以高位才大者必委之厚權漢水方城國之要害且加亞相之任兼收禦衆之功一作兼收南雍之可依前件

授元載豫章防禦使制

前人

勅荆吳之交撫之以連率貢賦所入並之以使臣非通才多可曷稱斯任守職方員外郎元載識度明允幹能貞固懷龍泉之利器抱鴻羽之榮姿彌綸典章能練南宮故事精詳政理嘗聞五府交辟豫章雄鎮襟帶江湖干戈始寧安人是切俾爾藩守緝熙馭政可豫章太守

授杜濟東州防禦使制

常袞

勅在疑作左綿之東地方千里有彼山帶江之險藉安人禦
侮之能太中大夫檢校尚書駕部郎中兼侍御史充山南
劍印副元帥判官勾當劍南東川事賜紫金魚袋杜濟明
敏通識達於政理本以忠信備文文學利器能斷長才多
可累佐戎幕勳宣武經於蜀之疆積有邊效九伐之謀必
勝三軍之士多師選在人望委茲藩守用能訓其師旅惠
此閭閻俾參中憲之任無憊臨戎之績可使持節梓州諸
軍事守梓州刺史兼御史中丞充劍南東川防禦使散官
賜如故

授栢貞節夔忠等州防禦使制 前人

勅開府儀同三司試太常卿使持節印州諸軍事兼印州
刺史御史中丞南防禦使及印南招討使上柱國鉅鹿縣
開國子栢貞節雅有器幹深於戎律蘊三畧以經武秉一
心而事君蜀之西疆久典戎務惠和馭衆義勇安邊克勵
公忠尤彰名節令聞休績良深嘉重山峽雄重一作江關鎮
要衝實藉兼才俾膺茲任佇申禦遏之用仍懋緝綏之術
可使持節都督夔州諸軍事兼夔州刺史依前兼御史中
丞充夔忠萬歸涪等州都防禦使本官勳封如故

授高重同州刺史兼防禦使制 李虞仲

勅漢號左馮翊分理浩穰近者非清名顯秩不在茲選正
議大夫行給事中上柱國渤海縣開國男食邑三百戶賜
紫金魚袋高重沉厚守道貞介操身以禮法為踐履之途

以學行爲游泳之地堅金不耗止水無波穆然士風休有
美論屬者侍周禁署駁議瑣闈重席有戴憑之名通經得
陳邵之美侍從之暇附益弘多移於牧人宜有善政吾以
商原故地澧水攸同襟帶山川接畛甸服掌離宮之管鑰
領近關之式遏俾揚風化思得兼材爾宜提舉政經蘇息
物力清靜率下以奉詔條用答寵榮勿替休問可使持節
同州諸軍事同州刺史克本州防禦長春宮等使散官勳
封賜如故

授李德隴州刺史兼防禦使制 崔嘏

勅隴陝之西地連蕃境雖舅甥和好絕塞無虞而邊徼撫
循長才以藉爾武能禦寇智可圖功早推奉國之誠共許
綏戎之畧及位分六校職長千夫彌彰夙夜之勞益盡爪
牙之用是思寵擢委以疆場爾宜推赤心以任人勵玄甲
而訓士約以奉已忠以報君無興踴躍之功更許一作事
邊之計靜能制動安亦慮危勉而行之富貴可保將表戎
旌之盛仍兼專席之榮可隴州刺史兼御史大夫克本州
刺史防禦使

授李繼文隴州防禦使制 錢翊

勅旁據汧陽橫當隴首地有提封之盛軍多帶甲之雄既
用良材宜膺正秩具官李繼文久從戎旅深達機謀忠信
交脩德刑並務御衆而推勞必報徇公而約法甚明元帥
上聞朝章可舉兼進祝鳩之命更揚建準之威夫牧伯之

居憂寄寔重使功名之充位在富貴而可圖已列諸侯勉為政事可依前件

授潁州刺史充本州防禦使王敬堯加檢校太子

太保制

前人

勅書云若網在綱有條而不紊故國家化條施於天下者牧伯謹而舉之政不紊矣具官王敬堯始學司馬法克礪諸侯劔奮之以果敢之氣濟之以練達之謀自握郡符頗圖成績潁水則清年數且深理濟彌遠耕桑滿地一作不奪農時卒乘在軍未忘武備遂得見稱元帥是當善舉化條保民之崇增秩甚貴吾用漢家之典爾登循吏之名充務克終斯為守貴可依前件

授齊州刺史充武肅軍防禦使朱玘加檢校司空

制

前人

勅歷下名地也司空貴秩也處名地而增貴秩者非夫稱推擇洽物情焉得獨受寵章重宣王化具官朱玘當年思立學武有經固忠順之本根以機權為枝葉且能刺部婁務睦隣酌寬猛以守常就變通而處衆為善難掩不伐愈彰見求福於自謀信唯人之可召乃行茂典用叶公言可依前件

授鹽州刺史李太直充本州防禦使制 前人

勅有土之寄帶夫一作鄭者不其難乎鞠旅所以謹提防揚威所以遏淫蕩試材既可正秩無疑具官李太直昔爾

伯氏嘗居五原以境荒相和之勞致邊境無虞之樂而天
倫有戚戎律可歸乃自人情繼臨軍政勇則匪恕智必好
謀知金湯不在乎城池而耳目不專於旗鼓勤於宣礪一作
勵又別用壯心去假守之舊名當諸侯之高位更圖善最
無恃寵休勿使漢家獨稱魏尚可依前件

授前河西防禦押蕃落等使馮繼文檢校工部尚
書依前充河西防禦招撫等使制 薛廷珪

勅迺眷西梁為吾右地襟帶河曲屏制蕃使厥土豐穰其
俗信厚委之鎮撫率仗勲勤不有奇材孰膺妙簡具官馮
繼文傳符圯上擅價山西敦詩書設預備之謀脩禮樂為
戰爭之器能知軍誌雅有戎容明斥候而辨孤虛恤士伍

而愛君子決戰百勝彎弧六
動惟鷹揚靜則山立乃
伏其韜畧錫以土疆旌旗啓行蛇豕當路既沮已成之命
能安靜勝之謀欽屬久勞名器斯在爰昇喉舌再統貔貅
復我舊恩成爾夙志防禦西夏控壓三州爾其敦我憂勤
宣我教化無禮必敗好戰則亡戢兵而善撫疲人殷備而
自求多福祗予恩寄佩我訓詞報政可觀陟明斯在可

團練使

授辛德謙冊延團練使制 常衮

勅上郡北地義渠故國臨制戎狄屏于關中當此襟要難
於鎮守前朔方留後在廂兵馬使同節度副使開府儀同
三司試太常卿兼御史中丞單于副都護充振武軍使上

柱國辛德讓山西出將代有勲業長才備畧主之以忠峻
節明斷服之以禮頃者職貳留府朔重一作分鎮橫絕大
漠堅守孤城能詳武經載討軍實推以恩信濟其威懷士
卒知方羗夷服化休有茂績著於北邊用觀勞臣俾膺重
任委以藩事桿茲戎疆列在儲案之右叅於憲臺之長中
外兼榮服我嘉命可試太子詹事兼御史大夫持節都督
延州諸軍事兼延州刺史充冊延兩州都團練使守促使
散官勲封如故

加常之晉御史大夫制

前人

勅古有牧伯連率所以大明黜陟其後庶使監郡亦其任
也奉六條詔書察二千石已下風化綱紀實所繫焉昔
郡稱最則當遷復留以德授賜今或增秩存於令典限
光祿大夫檢校秘書監兼衡州刺史御史中丞充湖南都
團練守捉觀察處置等使上柱國扶陽縣開國男常之晉
以道自處行成乎身言合精理文多雅興學以潤政當孔
氏之徒忠而好謀得兵家之要委在方向實叅戎重鎮衡
陽之一都刺湘中之諸郡清靜庶簡以禮化之三老孝悌
遵其德訓而城強猾服其威懷薄刑名以宣慈均賦役而
恤隱地臨南越溪洞伏戎能清篁竹之風屢入苞茅之貢
事各條理俗皆便安非大信至公何以臻此處風憲之長
旌理行之尤彰善勸能允茲休命可兼御史大夫餘如故

授崔昭宣州團練使制

前人

勅宣城彰

一作附

郡有牛渚介石之險江左多以護兵之臣

鎮焉國家舊制即廉使之部任兼將守寄功於今始一作姑

務靖人中符朝美銀青光祿大夫守右散騎常侍博陵縣

開國子崔昭長才大畧濬發無前納忠事君強學濟吏何

劇之不處何難之不居嘗領雍洛屬當殘弊令簡訟平官

曹肅給懲姦攝暴都鄙以清風化可行於四方歌謠豈止

於千里敬事憂國始終端誠再列貂行久承顧問從容論

旨軒闈增華方賴於左右羽儀以之匡益外中委遇其分

一也急在要重時而迭之察俗訓戎歸於辦理參執開邦

之憲仍加馭貴之爵奉法遵職俾人易從可使持節宣州

諸軍事宣州刺史兼御史中丞充宣歙池等州都團練

使觀察處置等使并採石軍仍進封博陵縣侯食邑

千戶散官如故

授陳少遊浙江東道團練使制 前人

勅東南一尉在吳越之境海隅蒼生連歐閩之俗既分八

使兼督諸戎祿勳任良以濟煩重朝散大夫宣州刺史兼

御史中丞宣歙池等州都團練守使及觀察處置等使上

柱國賜紫金魚袋陳少遊清亮肅敬識通才達度於禮而

舉得其中積於理而動必歸當參考經術交脩政刑歷三

臺之郎吏首四方之俊選左輔內史嘗寄風化中軍大夫

實毗鎮撫事任皆適聲華朗然自彰疑郡分憂于湖申敏

悉心以周務忘已以愛人舉綱條之目繕完守之備忠敏

內緝服而不離威畧外懷親而不暴載清苛慝盡復流庸
雖膠東之戶口八萬潁川之理行第一殆無以過也明試
以功允茲章陟稱遷大鎮用表懋能仍副丞相以戒群岳
可使持節都督越州諸軍事守越州刺史兼御史大夫充
浙江東道都團練守促觀察處置等使散官勲賜如故

授魏少遊洪吉等州團練使制 前人

門下東分九江南控百越總兵車之會當水陸之衝式遏
澄清實難其任金紫光祿大夫行尚書刑部侍郎上柱國
鉅鹿郡開國公魏少遊當官而行直道而進有剛毅能斷
之性子之以冲和有精密至察之才濟之以仁恕三尹京
邑四方承流不私身以飾名多去秩之遺愛秋典貳職夏

臺無充海隅蒼生疇咨俾乂眷求良吏出守維藩江蘇亞
相之重式光連率之寄可使持節都督洪州諸軍事守洪
州刺史兼御史大夫江南西道洪吉虔撫信袁江饒等州
都團練守促觀察處置及莫徭等使散官勲封如故

授象武感疊宕等州團練使制 前人

勅開府議同三司試光祿卿使持節扶州諸軍事兼扶州
刺史攝節度副使扶文兩州招討團練使兼綿劍龍遂渝
合普漢扶文等一十一州行營兵馬都虞侯上柱國交川
郡王象武感器幹識畧資之以經遠公忠廉謹守之而有
常早探黃石之符久列朱轡之任外鄰戎境內撫疲民誠
信不渝威懷相濟克懋分憂之化尤彰式遏之勲右地數

州尚多艱阻將論疑朝旨以綏邊虞不有兼才孰能成務
俾叅戎重之副仍錫賞延之寵可試殿中監使持節疊州
諸軍事兼疊州刺史充本州團練守促使兼充疊宕兩州
招討使同隴右節度副使仍與一予六品官賜緋魚袋勳
封如故

授獨孤問俗鄂岳等州團練使制 前人

勅荆吳邊帶之口江漢朝宗之會尚有戎備難於任人外
攘內撫文武迭用銀青光祿大夫試秘書監壽州刺史兼
侍御史本州團練守促使及諸道營使下疑本州營田使
上柱國獨孤問俗才暢於理識通於政居之以簡敬濟之
必兼能中朝清秩更於獎掖外臺維鎮多所典領嘉績休

然明著壽春之課尤最當時守於一郡未展其用可
以倚辦煩重保綏險要督數郡之戎事叅中司之憲列陟
明增秩懋爾在公可使持節都督鄂州諸軍事鄂州刺史
兼御史中丞充鄂岳沔等三州都團練守促使散官勳如
故

授李昌岨辰錦等州團練使制 前人

勅疆楚之裔古之蠻方雜武谿之種落通夜郎之邊壤唐
蒙開道馬援南征即其地也國朝舊制方數千里悉統於
連帥今以遐闊難守遂分督以綏之政議大夫試光祿卿
前兼海州刺史李昌岨素有識畧達於事體剛柔相濟文
武中立居職可紀實浮於名迺者以幹特之才刺瀕海之

臺臺太中大夫坊州刺史上輕車都尉郢城郡開國公豆
盧志靜等登朝受服感積歲年蒞職當官竝有聲稱與我
共理實存咨岳代天無曠受任得人分命良材佇觀美績
可依前件主者施行

授源復等諸州刺史制

孫逖

門下太中大夫使持節徐州諸軍事守徐州刺史上柱國
源復等雅才清識踐行立名政表於良康一作惟良歌聞於是
賴或歲年滋久必在於更遷或風俗異宜各期於適用俾
膺俞往以副僉諧可依前件

授韓朝宗等諸州刺史制

前人

門下朝請大夫使持節都督洪州諸軍事守洪州刺史上
柱國長山縣開國伯韓朝宗等開濟宏才弘深雅量或
升清要常展用於高資或頻膺刺舉久馳名於列郡振其
淹滯任以器能宜遞遷於遠近俾更踐於中外可依前件

授元彥冲等諸州刺史制

前人

門下理人之吏深誠於數易度才而遷必憑於久次朝議
大夫使持節都督越州諸軍事守越州刺史元彥冲等幹
能自達政術有聞化行一郡竝逾四稔克慎終始不憊名
實宜有遞遷更府分命書不云乎三載考績黜陟幽明舊
章則然古制斯在今所進轉皆爲限約竝須畫一無相奪
倫庶懲欲速之人將致有常之化凡厥共理宜悉其心可

授崔翹等諸州刺史制

前人

門下中散大夫前使持節滑州諸軍事守滑州刺史上柱國崔翹等詞學爲門貞廉作吏竝久從官序能效公心禮及旣祥皆聞於俯就才有所適宜在於分官可依前件

授宋樽等諸州刺史制

前人

門下朝議大夫前使持節仙州諸軍事守仙州刺史上柱國宋樽等或郡國良吏或朝廷吉人咸勵厥躬克勤于位循名考行揆務量能且受命於分官俾呈才於庶績可依前件

授張敬輿等諸州刺史制

前人

門下太中大夫使持節鄭州諸軍事守鄭州刺史上柱國張敬輿等克脩名操久踐衣冠咸適用於當時各效能於列郡風謠具舉歲序皆深曾是移官用叶平分之義或因去職宜承竝命之恩可依前件

授翟璋等諸州刺史制

前人

門下中散大夫守將作少匠上柱國翟璋等名跡脩謹藝能該博或累升清秩或久踐通班三年有成各呈才於外郡庶官無曠咸勵節於中朝重寄所難分憂是屬宜膺稍遷之舉用叶汝諧之命可依前件

授秦昌舜等諸州刺史制

前人

勅中散大夫守常山郡太守秦昌舜等器能足用政術多方頃在列藩皆聞致理或居官已久或去職當遷長史缺官中朝慎擇宜膺竝命更委親人可依前件

授劉體微等諸州刺史制

前人

門下太中大夫前使持節鄭州諸軍事守鄭州刺史上柱國博陽縣開國男劉體微等器能具舉言行兼資嘗踐郎官類更吏職今名無替成績有聞宜受任於藩邸俾榮遷於郡國可依前件

授裴煇等諸州刺史制

前人

門下中大夫前守安定郡太守裴煇等位分中外名著朝廷或課績多年或招輯成政禮云終服官以授人舊章斯在新命宜及俾膺藩岳之任更展循良之稱可依前件

授魏哲等諸州刺史制

前人

門下前欽州刺史魏哲等以能入仕以疾廢官頃曾罷歸亦云淹久勿藥有喜既善攝生之術度材而用宜承舉漏之恩可依前件

授李昇朝等諸州刺史制

前人

門下亳州刺史李昇朝等竝膺時選俾踐官資才器則殊行能皆著或居喪之禮俯就於外除或同氣之有妨於聯事或近停郡職或久滯王門宜各稍遷俾從分命可依前件

授季良等諸州刺史制

前人

門下守太子中允季良等早推言行兼有幹能從官必聞服勤斯久分憂是屬慎擇為難宜副恤人之心俾諸良吏之選可依前件

授韓察等明通沔三州刺史制 元稹

勅朕子育兆人懷乎懼一物之不至將我德澤流布於集
于遠邇者其惟良二千石乎朝議郎前守京兆府富平縣
今賜緋魚袋韓察等又於吏職皆著能名或常奉詔條風
聲尚在或歷居郊甸惠養有方命汝臨人勿違其俗夫明
近於海儒則姦生通邇於巴急則吏擾沔當津會滯則人
怨集作推是三者引而伸之然後可以分吾二字集作憂憂人之
矣爾其勉之可依前件

授蕭睦鳳州周載渝州刺史制 前人

勅前劔南三川權鹽判官殿中侍御史內供奉蕭睦前知
鹽鐵轉運山南東道院事殿中侍御史周載等田文學古

施於有政三驗所至莫匪良能河池近藩南平東險綏
阜俗必藉長才副我虛求一作懷一作牧茲凋廢事時農勸用節

人安三年有成惟乃之効睦可鳳州刺史載可渝州刺史

授元興集作等杭濠歙泗疑作諸州刺史制 前人

勅朝散大夫守饒州刺史元興等自天子至于侯甸男邦

小大之勢集作勞非不同子育黎元其揆一也是以即官出宰

百里牧守入為三公此所以前代稱理古也近俗偷末倒

置是非省寺以地望自高郡縣以勢卑自劣盤牙不解稂

莠不除此比有之患皆由此起今餘杭鍾離新安順政乃

州三有財賦集作一隣戎狄將有所授每難其人以輿之

理課甄明以弘度之奏議詳允以學亮之學古從政以達

集作之守道立身僉命為邦庶可以勝殘集作度可去殺

矣各奉詔條用慰焚獨可依前件

授楊潛洋州刺史李繫遂州刺史史備濠州刺史

等制 白居易

勅朝散大夫守尚書金部郎中上柱國楊潛温厚靜專有

端士之操朝議大夫前使持節吉州諸軍事守吉州刺史

上柱國襲鄴縣開國侯李繁精強博敏有才子之稱將仕

郎前使持節光州諸軍事守光州刺史雲騎尉史備變通

健決有能集作良吏之用而皆集作能本於文學輔以政事為

郎見其行為郡聞其聲夫洋束梁之險遂君蜀之股濠

淮之要三者皆名郡也今吾提三郡而委之三吏得不

勤儉教導勞來安輯膏雨吾土而襦袴吾人者乎潛可使

持節洋州諸軍事守洋州刺史散官勳如故繁可使持節

都督遂州諸軍事守遂州刺史散官勳封如故備可使持

節濠州諸軍事守濠州刺史文本州團練湍口西城等使

散官勳如故

授周愿衡州刺史尉遲銳漢州刺史薛鯤河中府

少尹等制 前人

勅前復州刺史周愿等夫勞者之思休息病者之思救療

人之本情也今兵戈甫定物力未豐如聞湘衡巴漢之間

人猶疲困宜擇良二千石俾休息而救療之而愿銳鯤等

前以符竹分領三郡皆有善政達于朝廷舉課考能無愧
是選息勞救病其有望於汝乎河中吾之股肱郡也貳尹
職而佐府事者亦在得人命鯤處之無荒厥職可依前件

授韋彪王府長史楊歸厚唐州刺史劉是雅州刺

史等制

前人

勅韋彪等善官人者先考其能然後授以事任使輪轅鑿

柄各適其用則郡職庶政得以交脩今以彪官久年高勳

於為政俾從優逸入補王宮以歸愿文行器能辱在巴峽

勵精為理績茂課高區區方集作萬州豈盡所用宜移大部

稍展其集作詩才以晏早著戎功通詳吏事西南物土罔不

周知習俗從宜宜守嚴道分命以職各用所長庶乎咸備

為官同底于理可依前件

授鄭公達王府長史李循興州刺史制 前人

勅鄭公達等或以行稱或因集作以才舉進脩所致班秩不

卑改命序遷各適其用且乘朱輪於國集作郡邸曳長裾於

王門士夫之子名官至斯亦不為不遇也立朝案部各敬

爾官可依前件

授李諒泗州刺史兼團練使當道兵馬留後兼侍

御史賜紫金魚袋張愉岳州刺史制 前人

勅扼淮壓湖之列城曰泗與岳舟車會焉軍戎屯焉是二

郡守不易為政先是守領者多會有故歲時罷去長吏數

易人必重困宜擇良二千石救而養之以諒白登城長訖

尚書郎中間又再爲州牧三宰劇縣皆苦心卹隱煦嫗及
物操刃决滯若騶有聲而愉亦學古入仕甚自脩飾河西
有政次於諒焉故命愉守岳命諒守泗仍以戎職留事憲
簡章綬一加於諒諒其聽之哉異日吾將以重官劇職處
爾爾安得不副吾所急用爾所長更宜以難理之郡自試
耳各依前件

授灋州刺史李肇中散大夫郢州刺史王鎰朗州

刺史温造並朝散大夫等制 前人

勅朝請大夫使持節灋州諸軍事守灋州刺史上柱國賜
紫金魚袋李肇等乃者李景儉使酒獲戾而肇等與之會
谷飲失於檢慎宜有所懲由是左遷分爲郡守今首坐者

旣徒此列緣累者亦當徵還但以長吏數易爲集作弊頗

甚况聞三郡皆有政能人方便安不宜遷換故吾以采章
階級並命而就加之蓋漢制進爵秩降璽書慰勞良二千
石之旨也爾當是命得不勉哉可依前件

授李諒壽州刺史薛公幹泗州刺史制 前人

勅壽州刺史李諒等詩云愷悌君子人之父母朕三復斯
言徃徃興歎安得循吏俾父母吾人乎吾前命諒爲泗州
丞即路會壽守植卒因改諒守壽命公幹守泗諒之理課
前招詳矣而公幹自尚書郎連領二郡政平法一甚便於
人加以有理戎之材可付留事故輟軍保一作仍憲秩而
兼寵之夫壽與泗皆郡之大者也諒與公幹皆二千石之

良者也以大郡委良吏不亦宜乎噫諒無忘澄城之理公
幹無替毫城之政則愷悌之化吾有望於二郡焉各依前
件

授王計萊州刺史吳晞蓬州刺史制 前人

勅吳晞等咸以材畧載筆從戎集作軍藝學智謀濡然足用

多歷年紀一作紀備嘗艱危進退周旋不聞失道司徒弘正

詳奏以聞因以竹符分命試吏而萊蓬二郡各介一方牧

人者但不擾其心不奪其力則雖華夷南北土物不同皆

可以自足自遂矣宜有集作用此道往安養之可依前件

除郎官分牧諸州制 前人

勅漢宣帝云與我共理者其唯良二千石乎誠哉是言也

無字朕每二復安得循吏副吾此心今之臺郎一時妙選

嘗經任歷率有才用雖典曹尤事其務非輕而卹隱分憂

所寄尤重是用竝命分牧吾人歲時之問期於報政戶部

郎中某可某州刺史吏部郎中某可某州刺史朕高懸爵

賞佇期酬効咨爾夙夜其念之哉無俾龔黃專美前代可

授裴洌郭曠等諸州刺史制 李虞仲

勅朝散大夫前守蓬州刺史上輕車尉裴洌朝議郎前守

通州刺史賜緋魚袋郭曠等夫土之化下猶泥之在鈞唯

甄者之所為耳以爾等前所為政皆播能名人多袴襦之

謠理有綏定之績衡陽苞湖賦繁地闊尤藉良牧以扇仁

風勉奉詔條陟明斯在涖可守衡州刺史散官勲如故曠

可守利州刺史散官賜如故

授王承休等諸州刺史制

前人

勅致果校尉守右監門衛將軍兼御史中丞王承休朝議
郎守太子少尹賜紫金魚袋王弘質等咸以事勞顯於中
外或武稱和義環衛有嚴或吏能適時長征攸佐循其履
歷頗謂優深寵以郡符俾洽條理夫以巴賓雜俗山谷異
宜必在通其有無繕其征賦勉茲勤卹用表分憂承休可
朝請郎使持節陵州諸軍事陵州刺史散官如故弘質可
使持節澤州諸軍事守澤州刺史散官賜如故

文苑英華卷第四百十

文苑英華卷第四百十一

中書制誥三十二

郡牧二

諸州刺史

授竇弘餘加官依前台州刺史蘇莊除鄧州刺史

等制

杜牧

勅朝散大夫使持節台州諸軍事守台州刺史上柱國竇
弘餘朝議郎前使持節處州諸軍事守處州刺史上柱國
賜緋魚袋蘇莊等南郡盜作而一作蕭育拜河南政美而
寇恂留為人擇官因重而撫集作因考於兩漢行古道也
弘餘廉使上言父老有請其為政也長育多方惠訓不倦
凡設教令皆有科旨莊任南康悉心為理謹身律下節用

愛人南陽古都近者小擾臨海越俗尤惜良吏就加起拜
各叶所宜仕至二千石可庇人矣無異文律不自貴重副
疲羸之望者須念終始坐狂愚之罪者勿理深污各庸寵
祿無忝分寄弘餘可檢校太子右庶子餘如故莊可使持
節鄧州諸軍事守鄧州刺史散官勲賜如故

授李暨絳州刺史魏中庸亳州刺史曹慶威遠營

使等制

前人

勅中散大夫使持節亳州諸軍事守亳州刺史充本州團
練鎮遏使雲騎尉賜紫金魚袋李暨等昔貞觀末遣孫伏
伽等二十二人各以六條巡察郡縣以能進者止二十八
人獲死者七人流竄黜免僅千百輩以太宗皇帝上運

勤之切百執事奉法公謹之心守臣為奸如此之衆况今
黜陟久廢仕進多門緬思疲人每渴良吏牧守之念予常
軫懷暨實文士出典兵郡不薄為吏愛我百姓盜賊奸宄
寢而不作鰥寡孤獨皆有所養中庸再分符竹聞立善政
允為理者皆高仰之今用已効之才各委共理之任簿書
刀筆俗吏集作事耳慈惠教化君子宜之二者較然尔欲
何取慶乃身帶兩綬兵分禁營得佩牛刀立於交戟歲有
鄉里之譽克肯友悌之風百里長人在王畿內各思答勅
無忝寵榮可依前件

授薛滂登

集作鄧

州任如愚信州虓藏玘印州等

史制

初朝議即前使持節坊州諸軍事守坊州刺史薛綜等仲
亮對魯哀公曰人道之大莫先為政漢宣帝曰與我共理
者其唯良二千石乎念先師賢帝之言思疲人良吏之選
夙興夜寢不忘於此涼以文科入仕命守邊郡屬當伐叛
兵於其郊處劇不煩事叢皆辦如遇進以門子屢為長吏
其為政化可差古人藏玘與逢閔官簿而頗多言理名而
亦著紹元嘗聞謹慎可宰百里已所不欲勿施於人無忘
格言副我憂寄可依前件

授鄭液除通州刺史李象集作象除陳州刺史等制

初朝議即守太原府晉陽縣令上柱國鄭液等今之郡守
為人師帥宣上教化者也以液久在官途嘗宰大邑聞其

為理人歌舞之以象執父前驅予之雄也光祿護塞居延
視胡虜不敢窺士爭為死各委分寄實曰遷昇通州雜以
華夷淮陽兩有兵賦尔其往哉今用誠尔為天子之守臣
作百姓之長吏言於仕進可曰顯榮夫君子之道先有諸
已後求於人苟能律身始可檢下勉詳詔令用謹理行從
規始以門子入進恭謹無尤自州佐而昇在朝班列五尚
以集作而職於三服亦為良遇無忝官常可依前件

授王晏實齊州吳本初巴陳琁集作琁渝州刺史

等制

初正議大夫前使持節淄州諸軍事守淄州刺史上柱國
大原縣開國男食邑三百戶賜紫金魚袋王晏實等侯善

政而後用或惜集作茂無所聞滯序進之常途則怨生於下

古今政柄患斯二者晏實本初珽等三人入仕年多亦掌

為郡聞無悔咎集作各是熟詔條濟南跨河有兵有賦巴渝

夷俗慷慨豪健形於樂曲尔其往哉古人有言曰予苟為

善誰敢不勉身率以正孰敢不正欲謹理行在於庶平弘

宗清慎有餘王屬咸為美秩銖以文學掌佐賢侯作掾京

兆亦曰美仕皆有官業慎無自薄可依前件

授郭瓊渠州郭宗元興州等刺史王雅康建陵臺

令等制 前人

勅太中大夫前使持節文州諸軍事守文州刺史兼侍御

史充本州鎮遏使上柱國郭瓊等潯山順政僻處山谷罕

知文律易為欺奪瓊與宗元守郡宰邑聞無悔吝尔其往

哉仲尼曰正身而人正欲善而人善撫我疲俗宜遵格言

苟或不臧貽尔之戚雅康入仕嘗在班列青宮贊導陵邑

守奉若非謹慎不庸斯任可依前件

授吳從蓬州賈師由瓊州蕭蕃羅州刺史等制

前人

勅中散大夫前使持節柳州諸軍事守柳州刺史上柱國

賜紫金魚袋吳從等地遠京邑俗雜蠻夷不知文律易為

欺奪朝廷選置多無名人小則抑鬱不伸大則聚以為寇

蓬緣巴徼其風忿勁瓊處海外在兩漢時往往小反羅居

百越溪洞深阻咨尔三吏比者為郡亦報有功勿以荒服

文苑英華 卷一百一十五
悔我疲人或異詔條必置厥辟稍當叙進優以上佐苟有
聞見無忘裨助可依前件

授李褒刺史等制

錢翊

勅李褒等醫一郡之疾苦旣藉良能理四方之滯寃必資
明慎二者生人之本也深詔執事精其選求以尔褒曠洎
荆或清識雅裁爲時雋才或檢操修身累居繩準所至必
晉其風範當官克勵於霜標而承休前理蜀川頗聞嘉績
是可以分我符竹光于省闈號略巴梁地清俗富刑曹
署務遽望高遠副分憂勉思伏念褒可魏州刺史常曠
荆並可刑部員外郎承休可果州刺史

授傳德昭羅州刺史裴昶維州刺史趙贊蓬州刺史

史等制

前人

勅具官傳德昭等建隼在旗盡熊當載以物彰貴出守者
兼而得之故用武以來惟功是賞厚爲寵報多在勤勞以
德昭淬礪雄銳利若大阿之劍以昶展張勁力強於繁弱
之弓以贊馳聘茂駿比於渥洼之馬而皆藏勲有籍秉節
無尤旣當行賞之倫宜受分憂之命勉爲善政無病遠人
可依前件

授劉玉新州刺史劉潛南五州防遏使高州刺史

制

前人

勅具官劉玉等傳曰夫舉無他唯善所在吾聞二帥臣舉
知之狀善則可甄而天下諸侯咸當共獎王室有以忠而

文苑英華 卷一百一十五
告我我必信而與之以玉勇望明堂用苞武庫訓士則專
於齊一理人必去其煩苛嘗蒞南康且留遺愛以潛好謀
不惑任智能通仍懷恤隱之心頗慕狗公之節因以牧養
必致惠利是以復委詔條兼資禦遏或進寵移之秩或臨
舊理之邦以王之勇主於任以潛之智立於事則吾南極
之地又何憂乎黎庶哉可依前件

授成希戡忠州王進誠嚴州刺史等制 前人

勅具官成希戡等沂峽而上踰嶺而出其人多處險而錯
居處險難制錯居難齊非嘗試其才素習其俗未可為其
理也希戡以敏知變而不矜雄勇之材嘗試於忠人皆便
之統帥上言乃命真守師長之秩諸侯所榮進誠自戎入
華久處遐徼之地習南方之俗思還其居勲師舉之刻印
而當吾委寄咸被寵光處險錯居各懋為理可依前件

授陵州謝曠兼御史中丞前舒州司馬倪微端州

刺史制

劉崇望

勅某官謝曠等欽惟漢宣帝以英主御無事之朝尚思良
二千石以之共理伊予冲昧適丁艱難每以一麾假人既
重且慎每聞謝曠以勇誅暴而去害以義利物而移風儻
願得之於一年宜用試之於千里聞尔倪微久從進宦皆
著任能委以方州冀為良牧吁含哺鼓腹是安人之謀留
犢懸魚乃繫已之操惟一二之事皆古之賢刺史所行以
為尔資度洽予意有以憲承寵官攝之任貂璫遷刺史之

班予於疲黎無所愛惜吁往哉可

授鄭璩等諸州刺史制

薛廷珪

勅具官某等摠六尚於瑤墀分一麾於劔閣時之妙選我
有人焉以肱代濟科名業傳儒素弱齡勤苦壯歲遭廻本
推讓以待時竟漂零而從官凌雲之稱徒見譽於公卿栖
棘之悲且未伸於霄漢以璩聯芳鼎族歷試宦途使星屢
應於旁求卿月再當其茂簡朕方將左蜀坐委信臣言尔
有材可使共理亦聞操剗雅適變通俞其奏章是乃良牧
惟茲殿省及尔郡符勉承刈楚之恩各勵業官之志眷言
郡政在去煩苛俾我遠人再蘇皇化在璩之此行也得不
勉歎可

授李充等諸州刺史制

前人

勅具官聞尔充公相令子敦書業文有德守行科第好爵
公論許尔如拾地芥而孝於事親志在祿養束書投筆耳
從下僚縉紳之倫服尔異行逼之名器其心確然且曰親
念其况官未達采蘭負米願悅晨昏而允祁節著勤王功
高捍患心如皎日節貫秋霜屢委郡符猶同畫餅忠臣孝
子朕不敢忘勸善獎功於是乎在海隅之郡各徇乃心嘉
我遠人今得良牧勉於從政豈俟訓詞各敬乃官無忝休
命可依

授梁思謙龍州刺史竹文晟成州刺史等制

前人

勅成紀要衝江油奧壤皆為重地今實優賢擇其守臣必有所謂以尔其官梁思謙等負通變之材蘊縱橫之術見可而進頗習於武經聞善若驚暗合於儒者或從奏薦戒恤滯淹戀我者移其一麾致之近地阻兵者換其五馬惠彼疲人各俾分憂勉思布政清賢繼踵惠化洽聞苟奉成規是為良牧惠茲憚獨往歌袴孺文晟思謙服我明訓無忘勤恪戒於煩苛黜陟幽明典憲斯在五兵五教仍以假之可

授朱謙等諸州刺史

前人

勅朱謙等以謙一心許國四面受敵忠勇既完心城其固而陽言縱征戍亟効勤勞淹留屢變於瓜時辛苦未聞於汶上惟銚言罷百里承之一麾亦聞政聲可使共理朕所思達聰明日以臨御寰瀛伏予有土之臣為我求人之責樂得良牧惠茲遐方並俞奏章各委頒瑞惟尔謙等欽予訓詞罔難憚勞罔冒貨賄務遵典憲阜安遠人天聽甚卑愆則有辟可

授翟州刺史張績等加官制

前人

勅鄜之連帥以金紫光祿大夫前翟州刺史張績閩之守臣以銀青光祿大夫前新州刺史虞戀來告我且言績等求瘼分憂居其所部訓戎蒞俗政有可觀欲人聳求理之心請我行陟明之典茲為急務聞斯行諸邦教夏鄉國之崇秩爰詔執事分而授之咨尔二臣膺我並命脩名責實

文苑英華 卷一百一十一

授王宗夔宗韜印漢二州張無息蜀州刺史等制

前人

勅廣漢上腹臨邛古郡眷求牧守允屬忠勞具官王宗夔等或鶚立轅門或鷹揚玉帳負偃革銷金之術蘊經文緯武之機贊我蓋臣鎮于全蜀既練軍誌仍通政經干將溢匣而有聲騏驎追風而絕跡今俾尔分吾憂寄養我黔黎尔宜拔薤推心掛魚絜已勿為重斂戒在屢刑務復憲章無取禍亂允邇奚之內舉撫文翁之舊封敬服訓詞勤恤人隱而無息亦佩專城之印往俞連帥之求無忘酌泉務為政黜陟之典朕不敢私惟尔三臣礪乃一志與

授尚汝貞涪州刺史朱塘恩州刺史婺州刺史

瓌檢校僕射等

李璣

勅朕思報功臣以郡事念遠人以司牧惟是二者寤寐疚懷具官尚汝貞在先皇帝時扈鸞駕功高建隼旟布政非時見代可為愍然具官朱塘將兵之材號為嚴肅勞績聲著罷免歲深惟涪與恩遠郡之沃既者也資人以優爾亦資尔以救人且以玄武之尊夏官之長各從官叙以寵崇之具官蔣瓌婆人言有政化懇乞攝秩端右之命以徇其請各堅尔志無或變渝可依前件

授康君立等諸州刺史制

前人

勅康君立等夫文吏以儒術自進而牧人養物固其所
而論者猶或嘉之而尔等各以軍功達於郡政可謂難矣
然武有七德而安人和衆在焉得已非皆達其義耶深惟勸
能之方遂允爲真之請可依前件

授朱誕等諸州刺史制

勅朱誕等並干鎔奇鋒崆峒勁氣或忠臣薦達播於文武
之間或軍功著明迥出輩流之右升遷委任無所偏頗各
竭尔才以稱吾意可依前件

文苑英華卷第四百一十二

中書制誥三十一

幕府一

副使

授王忠嗣同隴右節度副使制 孫逖

門下隴右破吐蕃跳盪功專知節度行軍兵馬使游擊將
軍守右威衛翊府左中郎將賜紫金魚袋王忠嗣出自將
門習於軍政智謀足用材藝超倫頃在河隴備彰誠節持
兵所向料敵無遺挫其侵軼之師收其要害之地念功斯
在議賞攸歸宜復舊官置同正員乃同隴右節度副使依
前專知兵馬先有勲封並宜如故

授馬元慶河西節度副使制

前人

勅雲麾將軍右驍衛將軍員外置同正員幽州節度副使
上柱國馬元慶名重武臣才優將畧有剛勇以制敵能兼
幹而成務河湟作鎮戎狄是虞既資攻守之術宜佐軍州
之任可充河西節度副使判涼州長史兼赤水軍副使仍
都知兵馬使餘如故

授李正己青州刺史制

常衮

勅平盧淄青節度都知兵馬使權知節度副使事開府儀
同三司試太常卿兼御史中丞上柱國趙郡開國公李正
己蘊經遠之方有盡忠之節雅擅韜畧充通政理任兼文
武誠貫等夷海岱之間兵車所會嘉績明著惟淄其又實
藉循良符節之寄允茲分屬必能敬事愛人以康流弊宜
膺寵授用副分憂可使持節青州諸軍事兼青州刺史
並如故

授論惟清朔方節度副使制

前人

勅銀夏綏麟等四州兵馬使同朔方節度副使開府儀同
三司前行銀州刺史兼御史中丞歸德州都督武威郡王
論惟清智謀沉果政理甄詳資忠之誠表於奉上幹事之
用聞於在公佐戎律以成師布藩條而訓俗翟土開闢
陰底寧威懷相濟聲實惟允晉之北鄙地即濕川介于河
汾當此會要憂分式過實藉良能宜兼中憲之榮式寵外
臺之寄可使持節隰州刺史兼御史中丞歸德州都督克
本州團練守促使同朔方節度副使散官封如故

授王智興檢校右散騎常侍兼御史大夫克武寧

軍節度副使領本道兵馬赴行營制 白居易

勅沂州刺史御史中丞集賢王智興李愿李愬之鎮武寧

也汝為裨將勵節忘身濟成大功汝實有力獎其成效擢

授郡符海沂之間尤著聲績宜加新命以寵舊勞仍提統

師徃副戎律夫將之撫衆如子弟則衆之視將如父兄苟

推赤心而無疑必蹈白刃而不悔勉親士卒佇剪寇戎可

依前件

授薛廷範淮南使制

崔嘏

勅考功郎中薛廷範等吾命重臣徃鎮淮海其所選署

僚得以參用朝列伊爾廷範為時所聞可見天子之

入賢侯之幕周旋不忘於中道出處必踐其正途輟然

績之能俾倅戎旃之盛爾能以事君之道以奉帥則無往

而不適矣惟汝與球皆鄆之舊僚也能以通方佐成茂績

至今庸蜀人多懷之至於參佐計司主領院務統兩地之

權筦專五銖之鑄造各從其請以展良能勉副已知用光

所舉可依前件

授盧戡桂州副使制

前人

勅前江陵縣令盧戡等藩方之命案寮雖得以上朝廷亦

擇其可者而授之至於昇副車首賓席自非賢才孰允佳

選戡尚義有聞積學多識去於榮進樂在閑放以是為請

宜乎得人由山止而下或以吏能發為官業或以詞藻蔚

文苑英華 卷一百一十五
三
彼雋髦各從所適之宜以廣用一作用久之路銀章赤紱
耀彼華筵可依前件

授鄭齊之靈武副使制

朕以靈武重鎮控制西戎故選於和門付以油節思得幹
用以佐參畫如聞齊之自得科名留心政術奉沙漠之使
佐推筦之司口不告勞人稱奉職其與思護臨洎思退皆
鑽研文學承襲軒裳暢彼聲光端其操履是可以佐鑄組
於台席奉指教於才臣而八達九衝曉巡夜警亦執金吾
之重務也咸允童奏無忝所從可

授公興鎮州副使等制

前人

勅夫廈將構必藉良材雲幕既開是資髦士况易木
山之北容川當桂嶺之南惟是徐方俱為重寄允所選
誠省得人爾等或以文學進身或以簪纓襲慶勉思公
無忝嘉招至於佐戎幕而靜轅門緝政刑而撫凋瘵亦副
車之任也正即命服吾豈恡焉可

判官

授王師魯等嶺南判官制

元禎

勅王師魯等古稱南海為難理盖蠻蜒僚俚之褻俗有珠
璣瑋瑁之奇貨為吏者不能絜身無以格物是以非吳處
默之清德不可以耀遠入非孫子荆之長才不可以參密
畫爾等皆當茂選取重元戎更職命官各如來奏可依前
件

件

東

授鄭仁弼檢校祠部員外郎兼橫海判官制 前人

勅鄭仁弼諸侯辟士古實有之近制二千石已上乘輅車者則開幕選才由古道也仁弼等有勞參畫重胤以聞威等著稱詞華翻亦致請臺省茂膺兼命式示恩榮無忘切磨用副匡益可依前件

授王陟監察御史克西川節度判官制 前人

勅王陟等列諸侯之賓者遷次淹速得與上臺比倫其或饋餉務繁參畫禮重亦得輟自他職副其所求爾等或以政聞或以藝舉守臣上請信不予欺各竭乃誠以修厥績可依前件

授崔旣檢校都官員外郎兼侍御史克河東判官制

勅崔旣等自元和已集作來有大勳烈於天下先皇褒予以保衡者時惟司空度度亦齊慄祗畏不自滿大慎簡其屬毗于厥政惟旣及銖或在茲選是用輟我紀察副其勤求惟爾敬玄舊由蕃服効誠于長議以序遷峩峩鐵冠晶晶銀印授之以徃其樂所從可依前件

授盧寧監察裏行宣州判官制 前人

勅盧寧等宣城重地較緡之數歲不下百餘萬管幹劇職靈鹽近戎分務簡奪不易宜稱爾等研究儒術脩明政經勉慎所從以承其長可依前件

授張洪相里友畧山南東道判官制 白居易

勅朝議郎行太常博士上柱國張洪前羸莫等州都團練

文苑英華 卷一百四十五
判官朝議郎兼侍御史內供奉上柱國賜緋魚袋相里友
夏等元翼以大節大忠焯聞朝野授鉞開府殿我漢南而
又求賢乞能以自參貳則其賓案宜有以稱之故吾求俊
造之英勲烈之胄達朝議而練戎事者與焉今以洪之知
國禮奉家聲以友畧之富藝文飽軍旅兩中是選合而命
之優秩寵章無所愛惜時無今古代有忠賢苟致吾元翼
於羊杜間則有陟明之典在洪可檢校尚書職方員外郎
兼侍御史充山南東道節度判官仍賜緋魚袋散官勲如
故友畧可檢校尚書屯田員外郎兼侍御史充山南東道
觀察判官勲如故

授温堯卿等賜緋充滄景江陵判官制 前人

勳温堯卿等今之俊又先辟於征鎮次升於朝廷故幕府
之選下臺閣一等異日入而爲大夫公卿者十八九焉荆
門景城南北大府而堯卿等或已參軍要或方受徵書各
命以官分試其事名秩章綬分而寵之夫千里之行始於
足下苟自強不息亦何遠而不屆哉可依前件餘如故

授王師閔檢校水部員外郎充徐泗濠等州觀察

判官制

前人

勅前徐泗濠等州觀察支使朝議郎殿中侍御史內供奉
上騎都尉賜緋魚袋王師閔朕以師律授智興智興以軍
書辟閔才旣爲知己用官不候滿歲遷所以使能而責
理也然則贊廉察安戎旅旣命之後吾有望於爾焉勉副

所從佇展來効可檢校尚書水部員外郎兼殿中侍御史
充徐泗濠等州觀察判官散官勲賜如故

授路貫等桂州判官制

前人

勅藩隅之重委以侯伯軍府之要掌在宿僚貫等以文行
修身以智謀從事佐廉問澄清之務撫華夷錯雜之人俾
其乂安實在叅贊宜及寵命以光所從可依前件

授裴敞昭義軍判官裴侔義成軍判官各轉官制

前人

勅裴敞等昭義義成令之重鎮實藉賓介以叅謀猷而三
帥皆勤於奉公精於辟士度才而授職循序而請官頗合
所宜咸可其奏可依前件

記室

授崔鄴等澤潞支使書記制

元禎

勅崔鄴鄭翽等近制藩府臣僚自軍司馬以下皆得選任
其良執事者所移異職而鄴等事懇以狀聞各以秩遷毗
于新邑勉爾誠志俾無尤違鄴可監察裏行充澤潞等州
觀察支使翽可協律郎充昭義軍書記

授姚元康等官充推官掌書記制 白居易

勅朝散郎行秘書省校書郎姚元康儒林郎誠太常寺協
律郎鄭懿等益部浮陽皆大征鎮也文昌金畧皆賢將相
也而能以禮聘士以職任才多聞得人咸樂爲用况爾等
籌謀文藻各負所長苟能贊察廉掌奏記孜孜不怠翩翩

有聲慰薦褒昇其則不遠元康可試右武衛倉曹參軍充
劍南西川節度推官散官如故懿可試左金吾衛兵曹參
軍充橫海軍節度掌書記餘如故

授保大軍節度掌書記檢校右散騎常侍房仁寶

檢校禮部尚書文職制 錢珣

勅具官房仁寶等國朝作相之重在明皇帝時以偉德景
躅布於史策者有吾大尉焉爾仁寶裔孫始以文進不得
其志無所成名今用牋奏符檄之才職居藩服乘傳而至
善達戎機思賢之心欲招後嗣春官假秩儒者斯榮且啟
爾曹勉佐元帥可依前件

授朔方軍節度掌書記檢校刑部員外郎兼侍御

史李東序檢校司勳郎中兼中丞克職制

前人

勅具官李東序九諸鎮陪臣至自其幕府者或計事言功
或舉職請命未嘗不召之使殿假以寬言且使鋪陳皆見
臧否爾能用儒術佐吾列藩敷揚可取於詳明條貫必由
於忠信嘉善之道增秩所宜乘寵而還永觀爾類可依前
件

授鳳翔節度掌書記范惟乂左拾遺賜緋文職制

前人

勅具官范惟乂等軍興以來四方之政益煩矣而負才抱
術之士參于武幄者吾嘗授之好爵用表嘉賓復勉其左

右聽從始終同獎爾負才甚直抱術且深自有忠謀共贊
戎畧故加寵於綏冕之上報勞於師旅之間爾其計事出
言必公必信更圖保大無或告勞可依前件

支使

授裴詒監察御史裏行桂管支使等制 杜牧

勅前鄆曹濮等州觀察支使朝散郎試大理評事裴貽等
守臣有司上請諸士皆曰詒等士族之中有政事科名清
廉公謹嘗經職守衆稱有才古人於一飯之恩尚有殺身
以報之者况於知己得不勉之可依前件

推巡

授王搏檢校殿中侍御史文義成軍節度推官制

劉崇望

勅王搏名以文舉祥以履光敬於交人善為知己鉄鉞開
幕台鉞奉藩方虛婉婉之籌乃顧翹翹之乘能不輟我周
衮之任樂爾漢相之徒建禮部郎官惠文御史敬思寵數
勉整嘉猷可依前件

授柳傑等四人官充鄭滑節度推巡制 白居易

勅試太子司議郎柳傑等古者公府得自選吏屬今仍古
制亦命領征鎮者必先慎柬集作禮聘而後升聞矧鄭滑帥承

元輸忠伏順炳焉有大節於國奉其上蒞其下實藉寮案
以左右之而傑等或緣飾詞華或貯畜材行揣摩思試以
待已知宜振籌謀用光慰薦傑等可其官充鄭滑節度推

